

# REFERAT Kommunalbestyrelsi d. 28-03-2023

**Mødedato** Tirsdag d. 28. marts 2023 kl. 16:00

**Mødested** Kommunalbestyrelsip ataatsimiittarfiani

# Indholdsfortegnelse

Saqqaa.....	3
Oqaluuserisassat akuerineqarneri.....	4
Nalunaarutit.....	5
Suliffimmi atugassarititat pillugit Aaqqissuussaannermt Ineriartortitsinermullu immikkoortoqarfim	8
Kommunalbestyrelsimi ilaasortat 2021-2023-mi siunnersuutaannik takussutissiaq.....	11
Imigassaq pillugu inatsisip Nuummi eqqortinneqarnera pillugu nakkutilliineq.....	14
Ukioq atuarfiusoq 2021/2022 atuarfiit ataatsimoorlutik Pitsaassuseq pillugu Nalunaarusiaat.....	18
Meeqqat atuarfiini Mindfulness misiligummik suliniutaanissaanik allaaserinninneq.....	21
Kalaallit Nunaanni Danmarkimilu ulloq unnuarlu paaqqinnittarfinniissinnaanermik neqerooruteqart	24
Kommunimut pilersaarummut tapiliussassatut siunnersuut, 1A3-3 Jens Kreutzmannip aqputaa aam	28
Kommunimut pilersaarummut tapiliussamut siunnersuut L9-1, Kiattua, Amitsuarsuk, Nuuk pillugu	31
Kommunalbestyrelsip suleriaasissaa.....	34
Kommuneqarfik Sermersuumi piginnaatitsinermik atsiorsinnaatitaanernillu agguataarineq.....	37
Kommuneqarfik Sermersuumi sanaartornermut iluarsartuussinermullu aningaasaateqarfiup naatsors	40
Arctic Park.....	44
Kommunimut pilersaarummut tapiliussaq O10-1 Nunatarsuaq, Nuuk inaarutaasumik akuersissutigil	47
Kommunimut pilersaarummut tapiliussaq 1A13-2 Qimerlua inaarutaasumik akuersissutigineqarner	52
Paamiuni Fritidsklubben Kalaalleq nutaamik imiisivittaartinnissaanik siunnersuut.....	55
Nuup Illoqarfiata qanittuani sunngiffimmi sukisaarsaatigalugu unammissutigalugulu pinngortitami	58
Nuummi sukuutsertarfimmik "katitertakkamik siaartakkamillu" pilersitsinissamut misissueqqaarnis	61
Uumasoq katsorsaannermi atorneqartartoq pillugu siunnersuut.....	64
Angallanneq pillugu siunnersuisooqatigiinnik pilersitsinissamik siunnersuut.....	67
Lukket.....	70
Lukket.....	71
Lukket.....	72
Lukket.....	73
Imaqarniliap akuerineqarnera.....	74

# Punkt .: Saqqaa

## Ilaasortat

Avaaraq S. Olsen (IA)  
Charlotte Ludvigsen (IA)  
Juaaka Lyberth (IA)  
Uju Petersen (IA)  
Inge Olsvig Brandt (IA)  
Naya-Sophia Lyberth (IA)  
Mia Skifte Lynge (IA)  
Lone Rosengreen Pedersen (IA)  
Harald Bianco (IA)  
Justus Hansen (D)  
Poul Petersen (D)  
Inga Dóra G. Markussen (S)  
Dorthe-Marie Mogensen-Fontain (S)  
Peter Davidsen (S)  
Mala Høy Kûko (S)  
Laura Táunâjik Uitsatikitseq (S)  
Dines Mikaelen (S)  
Ken Madsen (N)  
Finn Karlsen (N)

## Beslutning

### Ataatsimeeqataasut:

Avaaraq Olsen (IA)  
Charlotte Ludvigsen (IA)  
Juaaka Lyberth (IA)  
Uju Petersen (IA)  
Naya-Sophia Lyberth (IA)  
Mia Skifte Lynge (IA)  
Lone Rosengreen Pedersen (IA)  
Harald Bianco (IA)  
Justus Hansen (D)  
Poul Petersen (D)  
Inga Dóra G. Markussen (S)  
Peter Davidsen (S)  
Mala Høy Kûko (S)  
Dines Mikaelen (S)  
Ken Madsen (N)  
Finn Karlsen (N)  
Ane Egede Mathæussen (S), sinniisussaq

### Attaveqaatitigut peqataasut:

Inge Olsvig Brandt (IA)  
Dorthe-Marie Mogensen-Fontain (S)

### Peqataasinnaanani nalunaartog:

Laura Táunâjik Uitsatikitseq (S)

## **Punkt .: Oqaluuserisassat akuerineqarneri**

### **Beslutning**

Oqaluuserisassani immikkoortut 9 aamma 10 oqaluuserisassaniit peerneqarput. Partiit tamakkiisumik aalajangiiffigissallugit piareersimanginnerat peqqutaalluni. Oqaluuserisassat Aningaasaqarnermut Inuussutissarsiornermullu Ataatsimiititap aammalu Kommunalbestyrelsip tulliani ataatsimiinnissaanni sammineqarumaarput.

Oqaluuserisassani immikkoortoq 15 siunnersuuteqartunit oqaluuserisassanit tunuartineqarpoq.

Oqaluuserisassat allannguutaat ilanngullugit akuersississutigineqarput.

# Punkt .: Nalunaarutit

## Beslutning

**Borgmester Avaaraq Olsen (IA) nalunaarutai:**

### Sap. ak. 5

**2. feb.:** Suliffeqarfik GNC ApS aamma Brøndum A/S pulaarpakka.

### Sap. ak. 7

**15. – 16. feb.:** Sisimiuni PKG-miittut ataatsimiipput. Ataatsimiinnermi oqaluuserineqartut makkuupput:

- Kommunit suliaassanik nuussineq aamma kommunit ilusiligaanerit
- Ombudsmandip nalunaarusiaa 2022
- Nunaminertanik atugassiisarnernik digitalinngorsaaneq
- Cybersikkerhed
- Kommunit ataatsimoortumik tapiissutinut isumaqatigiissuteqarnerup ingerlateqqinneqarnera
- Sakkussaq digitaliusoq ataatsimoorussaqq pillugu ilisimatitsineq
- Nammineq meeqqanik paarsinermut tapiissutit (Kommuneqarfik Sermersooq)
- Siusinaartumik soraarnerussutisianut aningaasat atugassat aalajangersarneqarnerat (Kommuneqarfik Sermersooq)
- Avatangiisinut tunngasunik suliffissuarnut atugassatut erngup nukinga
- Pikkorissaanerit assannut kissalaartunut sammitinneqartut (Kommuneqarfik Sermersooq)

**14. feb.:** Naalakkersuisoq, Peter Olsen ataatsimeeqatigaara.

**14. feb.:** Borgmestereqatigiit ataatsimiippugut.

### Sap. ak. 8

**21. feb.:** Tasiilami najukkami ataatsimiitsitaq ataatsimeeqatigaara.

**21. feb.:** Suliffeqarfimmut Nukissiorfinnut pulaarneq.

**23. feb.:** Nunatta Nakorsaanera Henrik L. Hansen, nunatsinni nakorsaqaarniarnikkut pissutsit pillugit borgmesterinut saqqummiivoq.

### Sap. ak. 9

**28. feb.:** Ittoqqortoormiini Najukkami ataatsimiitsitaq ataatsimeeqatigaara.

**3. - 5. marts:** Nuuk Snow Festivalimi ammaanersiornermi oqalugiarpunga, ajugaasussanillu toqqaaniarnermi peqataallunga.

### Sap. ak. 10

**7. marts:** Naalakkersuisoq Mimi Karlsen, Tasiilami ulloq unnuarlu angerlarsimaffiit pillugit ataatsimeeqatigaara.

**8. marts:** Ulluunerani paaqqinnittarfik "Soralu" ammarneqarneraniit ukiut 15-it angummagit ullaakkorsioqatigiinnerannut peqataavunga.

**11. marts:** Nunatsinni ujakkaarluni pissartannorgniunnerit ammarlugit oqalugiartigaakka.

### Sap. ak. 11

**13. marts:** Nunatsinni Arctic Sportimik pissartannorgniunnerit ammarlugit oqalugiartigaakka.

**15. marts:** Arctic Umiaq Line A/S, Air Greenland A/S, Nuuk Water Taxi A/S, Kang Tourism ApS, Two Ravens ApS, Visit Greenland A/S-illu aqqissuussaannik Sarfaq Ittummut ilaalluta Nuup Kangerluani angalaarunneqarpugut. Takornarialerisut taakkununggalu attuumassuteqartut peqatigalugit ataatsimeeqatigiinnertalimmik angallanneqarluta.

**16. marts:** Nunaqarfimmi Aqutsisut siulittaasui ataatsimeeqatigaakka.

**16. marts:** Suliffeqarfimmut Tusassimut pulaarneq

**17. marts:** Naalackersuisoq Jess Svane, angerlarsimaffeqanngitsuuneq pillugu periusissialiarisimasartik saqqummiuppaa. Kommunitisinnilu angerlarsimaffeqanngitsunut iliuuseqarnitsinnut suliaata killiffianik ilisimatitsilluta.

### **Sap. ak. 12**

**20. marts:** NSIP-p aaqissuussaaniq "Sulisartut inissiaat"-nik taasamik "Suleqatigiit/Arbejdsgruppe" ataatsimeeqatigiippugut.

**23. - 24. marts:** Tasiilami atortulersuutit pillugit paasiniaaqatigiinneq ingerlapparput. Ullumikkut pissutsit, aamma siunissamut suliniutissat qanoq periarfissaqarneris pillugu saqqummiussinertalinnik isumasioqatigiippugut. Suliffeqarfinniit pisortaniillu uku saqqummiussaqaqarput:

- Royal Arctic Line
- Mittarfeqarfiit
- Nukissiorfiit
- Tusass
- Air Greenland
- Air Iceland
- Greenland Copter
- Sanarfinermut avatangiisinullu Ingerlatsivik (Kommuneqarfik Sermersooq)
- Attaveqaatersuutitut Naalackersuisoqarfik

Aamma Tasiilamiinnitsinni Tusass peqatigalugu atuarfimmi internetsimik atuisinnaaneq pitsaanerulersinniarlugu isumaqatigiissusiorluta atisioqatigiippugut.

### **Meeqqanut Atuarfeqarnermullu Ataatsimiititami siulittaasup Juaaka Lyberth (IA) nalunaarutai:**

- Meeqqanut atuarfeqarnermullu ingerlatsivik nunaqarfiit atuarfiini pisortanik tamanik aamma atuartut angerlarsimaffiisa pisortaannik martsimi pikkorissartitseqqammerpoq. Pikkorissaassutigineqartut ilaatigut tassaapput pisortatut suleriaasit, atorfinitsisisarnermi inatsit, aningaasanik ingerlatsineq aamma kivitsisa.
- meeqqanut atuarfeqarnermullu ingerlatsivik Ilinniartitaanermullu aqutsisoqarfik peqatigalugu, malersuilluni pimmaatiginnittarnerup akiorniarneqarnera pillugu ullumik sammisaqartitsivoq atuarfiit pisortaannut, AKO-mi pisortanut klubbillu pisortaannut. Ullormi sammisaqarfiusuni pineqartut pingaernerit tassaapput pimmatiginnittarnerup suunerata ataatsimoortumik paaseqatigiissutiginnissaa aamma sulisut tamarmik ataatsimoorlutik pimmatiginnittarneq akiorniarlugu suleqatigiinnissaat.
- Kiisalu MAA borgmestererput peqatigalugu Nuummi atuarfittaassaaq aamma meeqqerivittaassaaq ungasinngitsukkut takornarniarparput.

### **Suliffeqarnermut Isumaginninnermullu Ataatsimiititami siulittaasup tullia Lone Rosengreen Pedersen (IA) nalunaarutai:**

#### **Oqartussaaffeqarfik**

Sisamangorneq 23. marsi aqqanerniit marlup tungaanut, unnuisarfiup oqaloqatiginnittarfitaava nujalerisarfitavaanilu ammaanersiortoqarpoq oqalugiartoqarluni, nipilersortoqarluni kaffillertoqarlunilu. Oqaloqatigiiffittaaq Uummateqarfimmik atserneqarpoq.

Suliffeqarnermut Isumaginninnermullu Ataatsimiititami siulittaasup, Inge Olsvig Brandt, ammaanersiornermi oqalugiartoq. Ulloq taanna akunnerni pingasuni kaffillertoqarnerata nalaani inuit 100-t missaat takkuppugut.

Uummateqarfimmi angerlarsimaffeqanngitsut siunnersorneqarsinnaapput, killortillutik atisanillu tunniussanik atisartaarsinnaallutik.

#### **Utoqqarnik suliaasaqarfik**

Marsip ulluisa arfineq-aappaanni Jørgen Kleemann 100-nik ukioqalermat Ippiarsummi nalliuttorsiuutigineqarpoq, nereqatigiittoqarluni, oqalugiartoqarluni nipilersortoqarlunilu.

Nalliuttorsiorneq ilaqutariinnut ullaakkut aallartippoq. Ullup sinnerani illu tamanut ammatinneqarpoq, oqalugiartoralugit Borgmesteri Avaaraq Olsen, aamma Suliffeqarnermut Isumaginninnermullu Ataatsimiititami siulittaasoq, Inge Olsvig Brandt, kiisalu Jørgen Kleemannip erneru.

Juaaka Lyberthip Uummatip Nipaa peqatigalugit erinarsorput Kommunalbestyrelsimit tunissutitut.

Tusagassiorfiit najuupput aammalu ilaquutaasut ningiutullu tullersortaagallartoq Erla Vinter apersorneqarput.

### Utoqqarnut susassaqarfimmi fagchefti nutaaq

Marsip ulluisa aallaqqaataanni Karen Lund Mølgaard Suliffeqarnermut Isumaginninnermullu Ingerlatsivimmi immikkoortotaqarfimmi utoqqarnik sullissinermi pisortatut atorfinitsinneqarpoq.

Karen isumaginninnermi siunnersortitut ilinniagaqarpoq Avannaata Kommuniani ilaqutariinnut ingerlatsivimmi fagcheftit atorfeqarsimalluni, ilaatigut akisussaaffigisimallugit isumaginninnermut tunngasut, inuit innarluutillit utoqqarnullu sullissiineq.

### **Suliffeqarnermut tunngasut**

#### Piorsaavimmi sulisut isumasioqatigiinnerat pikkorissarnerallu

Kommunip oqaluttuarisaanerani siullerpaamik Nuummi, Paamiuni Tasiilamilu Piorsaavimmi sulisut Nuummi naapeqatigiipput marsip ulluisa 23-aniit 29-iata tungaanut.

Naapeqatigissitsinermi siunertaavoq Piorsaaviup siunertaata sinaakkutissaasalu ineriartortinneqarnissaat aammalu sulisut piginnaasaannik ineriartortitsineq. Sulisut ilaatigut makkuninnga suliaqassapput:

- Piorsaaviup ineriartornera pillugu isumasioqatigiinneq, inuusuttullu inuttut unammillernartitallit nappaatimikkullu suussusersiffigineqarsimasut pillugit sulinermi sinaakkusersuineq. Isumasioqatigiinnermi sulisut eqqartussavaat inuusuttut unammillernartitallit aammalu soorlu annilaanganermik, ADHD-mik assigisaannillu nappaatiminnik suussusersiffigitissimasut.
- Inuttut ineriartornermi pikkorissarneq "sulinermi atitussuseq" qitiutinneqarpoq. Piorsaavimmi sulisut inuusuttunik assigiinngitsut annertuunik annikitsunillu unammilligassaqartunik inissaqartitsisussaapput. Inuusuttunut ulluinnarni inuunermi sakkortuumik allanngorarfiusumi sulisunut piumasaqaataavoq "aalajangersimasumik tulaaviattut" sulisuussasut.
- Aqqut.gl suleqatiginissaa pillugu pikkorissarneq, meeqqat inuusuttullu immikkut ittumik aqqutissiuunneqarnissaminnik pisariaqartitsisut pillugit sullissinermi.

### **Meeqqanut Ilaqutariinnullu Ataatsimiititami siulittaasup Naya P. Lyberth (IA) nalunaarutai:**

Ataatsimiisitaliaq paasisassarsiorluni Danmarkimi angalavoq ulluni 6.-11.marts 2023, angalaneq pissaarsiffiulluortoq nalunaarusiorneqarpoq, naammassipat ilisimatsissutigineqarumaarpoq. Ataatsimiisitaliaq angalaqqissaaq 7.-13.maj 2023 Ittoqqortoormiunut.

### **Sanarfinermut Avatangiisinullu Ataatsimiititami siulittaasup Finn Karlsen (N) nalunaarutai:**

- Atuarfiup sanaartorneqarnera maanna Sermersuumi sanaartornermut immikkoortotaqarfimmut pisortatigoortumik tunniunneqarpoq, taamaalillutik atuarfiup sanaartorneqarnera akisussaaffigilerpaat. Sanaartorneq siuariartorusaarpoq.
- Nuussuarmi ulloq unnuarlu angerlarsimaffiup inissiatut atorneqalernissaanut qinnuteqaat Sanarfinermut Avatangiisinullu Ataatsimiititami itigartitsissutigineqarpoq. Ataatsimiititap kissaatigaa kommunimut pilersaarusiornermut atatillugu suliffeqarfimmut nunaminertat sumiinnissaat aalajangersarneqassasoq. Suliami matumani qinnuteqartoq sumiiffimmut allanut qinnuteqaateqarsinnaavoq. Maannakkut qinnuteqaataasoq malillugu ulloq unnuarlu angerlarsimaffiup ungasinngisaaniitinneqarami.
- Nuummi puttasut aalisartut peqatigiiffiannut tunniunneqarnissaat Sanarfinermut Avatangiisinullu Ataatsimiititami akuersissutigineqarpoq, tassani umiarsualiveqarnermut inatsit naapertorlugu Naalakkersuisunit tunniussinermi aalisartut peqatigiiffiata inatsisit malillugit akuersissummik pinissaat piumasaqaatigineqarluni.

# **Punkt 1: Suliffimmi atugassarititat pillugit Aaqqissuussaanermit Ineriartortitsinermullu immikkoortoqarfimmit ilisimatitsissut**

## **Beslutning**

Ilisimatitsissut tusaatissatut tiguneqarpoq.

## **Bilag**

Isumannaallisaanerup aaqqissuunneqarneranik takussutissiaq





2021-mi decembarimiilli assigiinngitsunik ilusilikkaniq Tasiilami, Paamiuni Nuummilu aaqjissuussisoqartarpoq. Aaqjissuussani 200-nit amerlanerusut peqataasarsimapput: sulisut, aqutsisut inuit pingarutillit soorlu sulisunut aamma isumannaallisaanermut sinniisut.

Helle Rabøl Hansenip, pimmatiginnittarneq ullumikkut qanoq ataatsimut ajornartorsiutaanerata isigineqartarnera pillugu, pimmatiginnittarnerup inummut qanoq sunniuteqartarnera, atugarliornerup qanoq takuneqarsinnaanera aamma qanoq ililluta tamatta immikkut suliffimmi atugassaritineqartut pitsaanerulernissaannik iliuuseqarsinnaanitsinnik paasissutissiivoq.

### **Ingerlatsivimmit aningaasatigut sulisoqarnikkullu naliliinerit**

Pisariaqanngilaq.

### **Suliffeqarfimmut Kiffartuussivimmit aningaasatigut naliliineq**

Suliffimmi atugassarititanut / atugarissaarnissamut missingersuutit iluini akilerneqarpoq.

### **Inatsisitigut tunngavissaq allakkallu tunngaviusumik uppernarsaatillit**

- Suliffeqarnermut ministeriap "Isumannaallisaaneq pillugu aaqjissuussineq"-mut nalunaarutaa nr. 1048, 26. oktober 2005-imeersoq (Beskæftigelsesministeriets bekendtgørelse nr 1048 af 26 oktober 2005, kap 2, § 5 "Sikkerhedsorganisation")

### **Siusinnerusukku aalajangiinerit**

*Aningaasaqarnermut Inuussutissarsiornermullu Ataatsimiititaq, 21.03.23:*

Ilisimatitsissut tusaatissatut tiguneqarpoq.

### **Ilanngussat**

1. Isumannaallisaanerp aaqjissuunneqarneranik takussutissiaq

## **Punkt 2: Kommunalbestyrelsimi ilaasortat 2021-2023-mi siunnersuutaannik takussutissiaq**

### **Beslutning**

Ilisimatitsissut tusaatissatut tiguneqarpoq.

### **Bilag**

Kommunalbestyrelsimut ilaasortat siunnersuutaasa killiffii – Sanarfinermut Avatangiisinullu Ingerlatsivik

Kommunalbestyrelsimut ilaasortat siunnersuutaasa killiffii – Meeqqanut, Ilaqutariinnut Atuarfeqarnermullu Ingerlatsivik

Kommunalbestyrelsimut ilaasortat siunnersuutaasa killiffii – Meeqqanut Atuarfeqarnermullu Ingerlatsivik

Kommunalbestyrelsimut ilaasortat siunnersuutaasa killiffii – Isumaginninnermut Suliffeqarnermullu Ingerlatsivik

Kommunalbestyrelsimut ilaasortat siunnersuutaasa killiffii – Suliffeqarfimmut Kiffartuussivik

Siunnersuutit itigartitsissutigineqartut tunuartinneqarsimasullu

## Kommunalbestyrelsimi ilaasortat 2021-2023-mi siunnersuutaannik takussutissiaq

Ilisimatitsissut

SagsID: EMN-2023-01151

Suliffeqarfimmut Kiffartuussivik – kommunaldirektøri Ole Jakobsen / OJAK

### Inassuteqaat

Suliffeqarfimmut Kiffartuussiviup Kommunalbestyrelsimut inassuteqaatigaa:

- ilisimatitsissut tusaatissatut tiguneqassasoq

### Suliassamik saqqummiussineq

Pisortaqaatigiit Allatseqarfiat Kommunalbestyrelsimi ilaasortat maanna qinigaaffimmi oqaluuserisassatut siunnersuutaasa killiffiat, taakkunungalu allaffissornikkut akisussaaffiit sumut inissinneqarsimaneri pillugit takussutissiamik suliaqarput.

Tamatuma saniatigut siunnersuutit siunnersuusiortumit tunuartinneqarsimasut kiisalu siunnersuutit itigartitsissutigineqarsimasut ilanngunneqarput.

Siunissami Pisortaqaatigiit Allatseqarfianit ukiup affakkuutaartumik siuliini pineqartut pillugit killiffimmik takussutissiamik suliaqartoqartassaaq, tamannalu Kommunalbestyrelsimut ilisimatitsissutitut saqqummiunneqartassaaq.

Siunnersuutit ataasiakkaat pillugit sukumiisumik takussutissiat nassuiaatillu ilanngussani takuneqarsinnaapput.

Piffissami 2021-mi juunimiit 2023-mi marsip tungaanut 52-inik siunnersuutinik nassiussisoqarpoq. Siunnersuutit taakkua ingerlatsivinnut killiffiinullu ima immikkoortitigaallutik:

Ingerlatsivik	Aallartin- neqareer- poq	Suli aallartinne- qanngilaq	Naammas- sereerpoq	Itigartitsissuti- gineqarpoq / aalajangiiffigi- neqanngilaq	<b>Tamaasa katillugit</b>
Sanarfinermut Avatangiisinullu Ingerlatsivik	6	4	2	3	<b>15</b>
Meeqqanut Ilaqutariinnullu Ingerlatsivik	1				<b>1</b>
Meeqqanut Atuarfeqarnermullu Ingerlatsivik	5	1			<b>6</b>
Suliffeqarnermut Isumaginninnermullu Ingerlatsivik	1				<b>1</b>
Suliffeqarfimmut Kiffartuussivik	4	4	3		<b>11</b>
<b><i>Qinigaaffimmi 2023- mi marsip tungaanut katillugit</i></b>	<b>17</b>	<b>9</b>	<b>5</b>	<b>3</b>	<b>34</b>

Siunnersuutit itigartitsissutigineqartut 14-it aamma siunnersuutit sisamat tunuartinneqarsimasut tabelimi ilanngunneqanngillat ingerlatsivimmut tunniunneqarnikuunngimmata.

### **Ingerlatsivimmit aningaasatigut sulisoqarnikkullu naliliinerit**

Aningaasartuutaasussatuaq tassa sulisut atorfeqareersut suliarnut ingerlatsinerannik piffissaq atornerqartoq.

### **Inatsisitigut tunngavissaq allakkallu tunngaviusumik uppersaataillit**

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

### **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

### **Ilanngussat**

1. Kommunalbestyrelsimut ilaasortat siunnersuutaasa killiffii – Sanarfinermut Avatangiisinullu Ingerlatsivik
2. Kommunalbestyrelsimut ilaasortat siunnersuutaasa killiffii – Meeqqanut, Ilaqutariinnut Atuarfeqarnermullu Ingerlatsivik
3. Kommunalbestyrelsimut ilaasortat siunnersuutaasa killiffii – Meeqqanut Atuarfeqarnermullu Ingerlatsivik
4. Kommunalbestyrelsimut ilaasortat siunnersuutaasa killiffii – Isumaginninnermut Suliffeqarnermullu Ingerlatsivik
5. Kommunalbestyrelsimut ilaasortat siunnersuutaasa killiffii – Suliffeqarfimmut Kiffartuussivik
6. Siunnersuutit itigartitsissutigineqartut tunuartinneqarsimasullu

## **Punkt 3: Imigassaq pillugu inatsisip Nuummi eqqortinneqarnera pillugu nakkutilliineq**

### **Beslutning**

Ilisimatitsissut tusaatissatut tiguneqarpoq.

### **Bilag**

Nakkutilliinermi nalunaarusiaq Nuuk Food, Nuuk

Nakkutilliinermi nalunaarusiaq Pisiffik A/S, Nuuk Center

Nakkutilliinermi nalunaarusiaq Café Tamu, Nuuk

Nakkutilliinermi nalunaarusiaq Nilak A/S, Nuuk

## Imigassaq pillugu inatsisip Nuummi eqqortinneqarnera pillugu nakkutilliineq

Aalajangiiffigisassaq

SagsID.: EMN-2023-00911

Suliffeqarfimmut Kiffartuussivik – kommunaldirektøri Ole Jakobsen / OJAK

### Inassuteqaat

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigaa:

- ilisimatitsissut tusaatissatut tiguneqassasoq

### Suliamik saqqummiussineq

Peqqissutsimut Naalakkersuisoqarfimmi Nakkutilliinermut oqartussaasut 2022-mi ukiaanerani Nuummi arlaleriarlutik ukunani nakkutilliipput:

1. Nuuk Food, Industrivej 4, Box 100, 3900 Nuuk
2. Pisiffik A/S, Nuuk Center, Imaneq 1, B 3878, Box 61, 3900 Nuuk
3. Café Tamu, Naternaq 3A&B – B 4212, Box 456, 3905 Nuussuaq
4. Nilak, Red Dragon + udendørsserv., Imaneq 30 B 54, Box 49, 3900 Nuuk

Nakkutilliartornermit Naalakkersuisoqarfiup pissutsit tulluuttut erseqqissaatigissavai:

#### Nuuk Food, Nuuk (ilanngussaq 1)

Nakkutilliartornermit Peqqissutsimut Naalakkersuisoqarfiup makkua erseqqissaatigissavai:

- 18-iliineqanngitsunut [takuneqarsinnaasumillu aalakoortunut] aalakoornartortalinnik imigassanik tuniniaaneq inerteqqutaasoq pillugu allagartarsualiisoqarsimanngilaq (akuersissummik piginnittumut allagartarsuit tunniunneqarput)
- Imigassanut aalakoornartortalinnut nioqqutit akii takuneqarsinnaasunngorlugit inissinneqarsimanngillat (akuersissummik piginnittoq ilisimatinneqarpoq, pisinianut takuneqarsinnaasunik akinik allattuiffeqassasoq)
- Sulisut imigassanik aalakoornartortalinnik tuniniaanermik suliaqartut imigassanik aalakoornartulinnik isumannaatsumik tuniniaasarnissaannut pikkorissartinneqarsimanerannik uppersaateqanngilaq (kingorna iluarsineqarput).

Peqqissutsimut Naalakkersuisoqarfimmi maannakkut suliffeqarfimmik misissuineq naammassineqarpoq aammalu suliassami matumani annertunerusumik iliuseqartoqarniarani.

#### Pisiffik A/S, Nuuk Center (ilanngussaq 2)

Nakkutilliartornermit Peqqissutsimut Naalakkersuisoqarfiup makkua erseqqissaatigissavai:

- 18-iliineqanngitsunut takuneqarsinnaasumillu aalakoortunut imigassanik aalakoornartortalinnik tuniniaaneq inerteqqutaasoq pillugu allagartarsualiisoqarsimanngilaq (malitseqartitsilluni nakkutilliinermi pissutsit ilaatigut aaqqissimapput)
- Imigassanut aalakoornartortalinnut nioqqutit akii takuneqarsinnaasunngorlugit inissinneqarsimanngillat (malitseqartitsilluni nakkutilliinermi pissutsit ilaatigut aaqqissimapput)
- Sulisut imigassanik aalakoornartulinnik tuniniaanermik/sassaalliinermik suliaqartut imigassanik aalakoornartulinnik isumannaatsumik tuniniaasarnissaannut pikkorissartinneqarsimanerannik uppersaateqanngilaq (kingorna iluarsineqarput).

Peqqissutsimut Naalackersuisoqarfimmi maannakkut suliffeqarfimmik misissuineq naammassineqarpoq aammalu suliassami matumani annertunerusumik iliuseqartoqarniarani.

### Café Tamu, Nuuk (ilanngussaq 3)

Nakkutilliarternimit Peqqissutsimut Naalackersuisoqarfiup makkua erseqqissaatigissavai:

- Inuit takuneqarsinnaasumik aalakoortut imigassarsiniaraangata itigartinneqartannginnerat pissutsinit ilimanarsisinneqarpoq (Allagartarsuit assilineri nutaat akuersissutaatilimmut tunniunneqarput ilisimatillugulu taakku pisinianit takuneqarsinnaasumut piaartumik nivinngarneqassasut)
- Sulisut imigassanik aalakoornartulinnik sassaalliinermik suliaqartut imigassanik aalakoornartulinnik isumannaatsumik sassaalliisarnissaannut pikkorissartinneqarsimanerannik uppersaateqanngilaq (kingorna iluarsineqarput)
- Sulisut apersoneqartut imigassanik aalakoornartortalinnik annissassanik pisisoqarsinnaasoq akissuteqaatigaat (Nakkutilliinermi erseqqissaatigineqarpoq imigassanik aalakoornartortalinnik annissassanik nioqquteqartarneq inerteqqutaasoq aammalu unioqqutitsinerit politiinut nalunaarutigineqartartut).

Peqqissutsimut Naalackersuisoqarfiup manna tunngavigalugu nassaarineqartut nassuiarneqartut tunngavigalugit politiinut nalunaarutiginninnissamut pissutissaqarsorinngillat. Innersuussutigineqarporli akuersissutaatillip sulisut tamarmik Imigassaq pillugu politikki oillugu ilisimasaqartuarnissaat qulakkiissagaa.

Peqqissutsimut Naalackersuisoqarfimmi maannakkut suliffeqarfimmik misissuineq naammassineqarpoq aammalu suliassami matumani annertunerusumik iliuseqartoqarniarani.

### Nilak A/S, Nuuk (ilanngussaq 4)

Nakkutilliarternimit Peqqissutsimut Naalackersuisoqarfiup makkua erseqqissaatigissavai:

- Pikkorissaqataasimanernut uppersaateqarput ilaat akisussaassuseqartumik tuniniaasinnaanermut akisussaassuseqartumik sassallersinnaanermuunngittorli tunngapput (kingorna iluarsineqarput)
- Inunnut 18-it inorlugit ukiulinnut aamma inunnut ersittumik aalakoortunut imeruusaatinik aalakoornartortalinnik sassaalliinissamut inerteqqutitut allagartarsuaq asserneqarsimavoq (Nakkutilliinermi allagartarsualersortoqarsimasoq kisiannili ataaseq asseqqasoq paasineqarpoq. Allagartarsuaq barimi niuertitsisumit ersarinnerusunngorlugit ingerlaannaq allamut nuunneqarpoq)
- Imigassat aalakoornartortallit akii takuneqarsinnaasunngorlugit allatorneqarsimangillat (Nakkutilliinermi imeruusaatinik aalakoornartortalinnik sassalliisarfimmi imeruusaatit aalakoornartortallit ersarissumik akiisa allatorfiinik peqarnissaq piumasaqaataasoq ulluinnarni aqutsisumut erseqqissaatigineqarpoq).

Akuersissut pillugu allakkiami Garage akuersissummik tunniussiffiup nalaani perusuersartarfeqanngitsoq allassimasoq maluginiarneqarpoq. Nakkutilliinermi Garage-mi perusuersartarfeqanngitsoq paasineqarpoq, kisianni ilisimatitsissutigineqartut naapertorlugit illumi tassani silamut aneqqaarani sassaalliisarfimmi allami perusuersartarfiit atorneqarsinnaapput.

Peqqissutsimut Naalackersuisoqarfiup manna tunngavigalugu nassaarineqartut nassuiarneqartut tunngavigalugit politiinut nalunaarutiginninnissamut pissutissaqarsorinngilaat.

Peqqissutsimut Naalackersuisoqarfimmi maannakkut suliffeqarfimmik misissuineq naammassineqarpoq aammalu suliassami matumani annertunerusumik iliuseqartoqarniarani.

Imigassamik tuniniaasinnaanermut sassaalliisinaanermullu akuersissutip sivitsoqqinnissaanut qinnuteqaatinik Pisortaqatigiit suliaqarnerminni nakkutilliarnermit nalunaarusiaq ilannguttassavaat.

### **Ingerlatsivimmit aningaasatigut sulisoqarnikkullu naliliinerit**

Kommuneqarfik Sermersuumut aningaasatigut sulisoqarnikkullu kinguneqarnaviangilaq.

### **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviumik uppersaatitalit**

- Inatsisartut Inatsisaat nr. 35, 23. november 2017-imeersoq
- Init imigassanik aalakoornartulinnik nioqquteqartarfiit sassaallertarfiillu aaqqissuunneqarneri atorneqarnerilu pillugit Namminersornerullutik Oqartussat Nalunaarutaat nr 19. ulloq 29. marsi 1990-imeersoq
- Imigassanik nioqquteqarsinnaanermit akuersissutip pillugit Namminersornerullutik Oqartussat Nalunaarutaat nr. 4 ulloq 29. maj 1992-imeersoq
- Kommuneqarfik Sermersuumi imigassamik aalakoornartortalinnik nioqquteqartarneq sassaallertarnerlu pillugit Namminersorlutik Oqartussat nalunaarutaat nr. 4, 4. marsi 2011-meersoq

### **Siusinnerusukkut aalajangiinerit**

*Aningaasaqarnermut Inuussutissarsiornermullu Ataatsimiititaq, 21.03.23:*

Ilisimatitsissut tusaatissatut tiguneqarpoq.

### **Ilanngussat**

1. Nakkutilliinermit nalunaarusiaq Nuuk Food, Nuuk
2. Nakkutilliinermit nalunaarusiaq Pisiffik A/S, Nuuk Center
3. Nakkutilliinermit nalunaarusiaq Café Tamu, Nuuk
4. Nakkutilliinermit nalunaarusiaq Nilak A/S, Nuuk

## **Punkt 4: Ukioq atuarfiusoq 2021/2022 atuarfiit ataatsimoorlutik Pitsaassuseq pillugu Nalunaarusiaat**

### **Beslutning**

Ilisimatitsissut tusaatissatut tiguneqarpoq.

### **Bilag**

Ukioq atuarfiusoq 2021/2022 pillugu atuarfiit ataatsimoorlutik pitsaassuseq pillugu nalunaarusiaat



## Ukioq atuarfiusoq 2021/2022 atuarfiit ataatsimoorlutik Pitsaassuseq pillugu Nalunaarusiaat

Ilisimatitsissut

SagsID: EMN-2022-07405

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

### Inassuteqaat

Aningaasaqarnermut Inuussutissarsionermullu Ataatsimiitamiit Kommunalbestyrelsimut inassuteqaatigineqarpoq:

- ilisimatitsissut tusaatissatut tiguneqassasoq

### Suliassamik saqqummiussineq

Atuarfik pillugu Inatsisartut inatsisissaattut siunnersuut nr. 15, 3. December 2012-imeersumi § 49 naapertorlugu atuarfiit immikkut ukiumut atuarfiusumut qaangiuttumut ukiumoortumik pitsaassuseq pillugu nalunaarusiortassapput. Taassuma ilaatigut imarisassavai ukiumi atuarfiusumi kingullermi nukarlerni akullernilu misilitsinnerni angusat, angajullerni inaarutaasumik misilitsinnerni angusat, agguaqatigiissillugu klassini atuartut amerlassusiat, piffissaq atuartitsineranut atorneqartoq il.il.

Meeqqanut Atuarfeqarnermullu Ingerlatsivimmi Atuarfeqarnermut Immikkoortortaq atuarfiit namminneq ukiumoortumik pitsaassuseq pillugu nalunaarusiaat tunngavigalugit kommunimi atuarfiit tamarmik pillugit ataatsimoorussamik ukiumoortumik pitsaassuseq pillugu nalunaarusiortarpoq.

Matumani Kommuneqarfik Sermersuumi atuarfeqarnermut tunngasunik pitsaassuseq pillugu nalunaarusiaq ukiumut atuarfiusumut kingullermut takussutissiamik, ukioq atuarfiusoq 2021/2022-mut atuarfiit namminneq pitsaassuseq pillugu nalunaarusiaannik eqikkaanermik kiisalu immikkoortunik pingaarnernik nassuiaatinik imaqarpoq. Tamatuma saniatigut nalunaarusiap naggataani atuarfeqarnermut tunngasunik suliniutit ineriartortitsinissamullu suliniutit, ingerlanneqartut imaluunniit ukioq atuarfiusoq kingullermi aallartinneqarsimasut, pillugit takussutissamik imaqarpoq.

Ataatsimut pitsaassuseq pillugu nalunaarusiap suliarineranut atatillugu Meeqqanut Atuarfeqarnermullu Ingerlatsivimmit paasineqarpoq ukiup atuarfiusup siuliani 3. klassimi alloriarfimmi misilitsinnermit angusat nuna tamakkerlugu atuartitsivimmi qallunaatut agguaqatigiissinneri assigiittut, nunalu tamakkerlugu agguaqatigiissillugu kalaallisut matematikkimilu ataaniilluni. Taamatuttaaq takuneqarsinnaavoq ukiumi atuarfiusumi 2020/2021-mi 3. klassit alloriarfimmi misilitsinneranni atuartitsissutini pingasuusuni tamani angusanut sanilliukkaanni appariaateqarsimasut.

7. klassimi alloriarfimmi misilitsinnermi atuartitsissutini qallunaatut, matematikki tuluttullu angusat ukiumut atuarfiusumut siulianut sanilliullugu nuna tamakkerlugu agguaqatigiissillugu inissisimaffik qaangilaarlugu inissisimapput kalaallisullu atuartitsissummi angusat nuna tamakkerlugu agguaqatigiissillugu inissisimanerani appasinnerullutik. Ukiumut atuarfiusumut 2020/2021-mut sanilliullugu ukiumi atuarfiusumi siuliani 7. klassit alloriarfimmi misilitsinneranni kalaallisut angusat qaffasinnerulaarput.

Atuartitsissutini qallunaatut, matematikkimi tuluttuumilu nuna tamakkerlugu agguaqatigiissillugu inissisimaneranut inaarutaasumik allattariarsorluni misilitsinnermi angusat taakkunanga



qaffasinnerupput. Taamaalilluni ukiumut atuarfiusumut 2020/2021-mut sanilliullugu takuneqarsinnaavoq piginnaasanik misilitsinnermi inaarutaasumik angusani siuariaateqartoqartoq taamatullu kalaallisut allattariarsornermi misilitsinneq ilanngullugu. Atuartut meeqqat atuarfianni inaarutaasumik misilitsittussatut ilannguttut ukiumut atuarfiusumut 2020/2021-mut sanilliullugit ukiut siuliani 2%-imik qaffasinneruput.

Kommuneqarfik Sermersuumi atuarfiit tamarmik nalinginnaasumik suliarisarpaat alloriarfinni misilitsinnernit aamma inaarutaasumik misilitsinnernit angusat suussusersissallugit, misissussallugit aamma nassuiaasersussallugit, kiisalu angusat tamakkua pitsangorsarumallugit suliniutinik iliuserisassanillu aallartitsissallutik.

### **Ingerlatsivimmit aningaasatigut sulisoqarnikkullu naliliinerit**

Attuumassuteqanngilaq.

### **Suliffeqarfimmut Kiffartuussivimmit aningaasatigut naliliineq**

Attuumassuteqanngilaq.

### **Inatsisitigut tunngavissaq allakkallu tunngaviusumik uppersarsaatillit**

- Atuarfik pillugu Inatsisartut inatsisissattut siunnersuut nr. 15, 3. December 2012-imeersoq

### **Siusinnerusukkut aalajangiinerit**

*Meeqqanut Atuarfeqarnermullu Ataatsimiititaq, 01.03.23:*

Ilisimatitsissut tusaatissatut tiguneqarpoq.

*Aningaasaqarnermut Inuussutissarsiornermullu Ataatsimiititaq, 21.03.23:*

Ilisimatitsissut tusaatissatut tiguneqarpoq.

### **Ilanngussat**

1. Ukioq atuarfiusoq 2021/2022 pillugu atuarfiit ataatsimoorlutik pitsaassuseq pillugu nalunaarussiaat

## **Punkt 5: Meeqqat atuarfiini Mindfulness misiligummik suliniutaanissaanik allaaserinnineq**

### **Beslutning**

Ilisimatitsissut tusaatissatut tiguneqarpoq.

### **Bilag**

Misiligummik suliniut meeqqat atuarfiini mindfulness



## **Meeqqat atuarfiini Mindfulness misiligummik suliniutaanissaanik allaaserinnineq**

Ilisimatitsissut

SagsID.: EMN-2021-15456

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

### **Inassuteqaat**

Aningaasaqarnermut Inuussutissarsiornermullu Ataatsimiitiamiit Kommunalbestyrelsimut inassuteqaatigineqarpoq:

- ilisimatitsissut tusaatissatut tiguneqassasoq

### **Suliassamik saqqummiussineq**

Meeqqanut Atuarfeqarnermullu Ataatsimiititaq juunip 4-ni 2021-mi aalajangiiffigisassatut siunnersuummik Kommunalbestyrelsimut tigusaqarpoq, tassa kommunimi meeqqat atuarfiini mindfulness atulerneqarnissaanut tunngasumik. Meeqqanut Atuarfeqarnermut Ingerlatsivik, suliap qaqqinneqarneranut atasumik aningaasaqarnermut tunngasumik missiliuussisimavoq, kommunimi atuarfinni tamani mindfulnessip eqqunneqarnerata nalinginnaasumik qanoq akeqarnissaanut tunngasumik.

Aalajangiiffigisassatut siunnersuut Meeqqanut Atuarfeqarnermullu Ataatsimiititami septembarip 8-ni 2021 suliarineqarpoq. Tamatumani innersuussut allannguummik matuminnga nassataqarluni akuersissutigineqarpoq, tassa Meeqqanut Atuarfeqarnermullu Ingerlatsivimmit suliap misissorneqassasoq aamma aalajangiiffigisassatut siunnersuummik nassiussisoqarluni, aalajangiiffigisassatut siunnersuut aqqutigalugu kommunimi meeqqat atuarfianni ataatsimi mindfulnessimik atugaqarneq misileraqqaarneqaaqqullugu. Tassani siunertaalluni, misiligummik suliniummik mindfulnessimik matuminnga atuinermi misilittakkat aallaavigineqassapput, kommunimi meeqqat atuarfiini tamani atuartitsinermi nalinginnaasumik mindfulnessip qanoq atornerqarnissaanik ineriartortitsinissaq eqqarsaatigalugu.

Meeqqanut Atuarfeqarnermullu Ingerlatsivimmi tamanna tunngavigalugu mindfulnessimik suliniuteqarnissamut allaaserinnittoqarpoq. Mindfulnessip meeqqat atuarfiini atornerqarneranut siunertaasoq, misiligummik suliniummi akisussaaffiit agguataarneqarneranni anguniagaasoq, aningaasaqarneq kiisalu misiligummi suliniummik nalilersuineq il.il. misiligummik suliniuteqarnissamut soqutiginaatillit sammineqarnerannik suliniummik allaaserinnineq imaqarpoq. Ingerlatsivimmiit aamma innersuussutigineqarpoq, misiligummik suliniuteqarneq inuttut ineriartortitsinermit tapertatut ingerlanneqassasoq, taamatummi atuartitsinermi ilaatigut siunertaamat atuartut timikkut eqqarsartaatsikkullu peqqinnerusumik inuuneqarnissamut piginnaangorsarneqarnissaat. Suliniummik allaaserinnineq akuersissutigineqassappat, Nuummi atuarfiit ilaani 2023/24-mi 2024/25-miluunniit misiligummik suliniutip aallartisarneqarnissaanut aningaasartassanik ingerlatsivimmit qinnuteqartoqassaaq.

### **Ingerlatsivimmit aningaasatigut sulisoqarnikkullu naliliinerit**

Meeqqanut Atuarfeqarnermullu Ingerlatsivimmi missiliuunneqarpoq, misiligummik suliniummik ingerlatsineq 122.720 kr.-qassasoq. Atuarfeqarnermut immikkoortortamut missingersuutini ukiumilu atuarfusussami aggersumi tassunga tunngasunik aningaasaliisoqarnikuunngilaq, taamaattumillu 2023/2024-mi ukiumi atuarfusumi misileraanissaq aallartinneqassappat ilassutitut aningaasaliissutit aqqutigalugit qinnuteqartoqassaaq imaluunniit 2024-mut missingersuusiormi



periarfissanut allattorsimaffimmut ilaatinneqarluni. Kingulleq toqqarneqassappat misiligummik suliniut ukiumi atuarfiusumut 2024/25-mut kinguartinneqassaaq.

### **Suliffeqarfimmut Kiffartuussivimmit aningaasatigut naliliineq**

Pisoq tassanngaannartuunngimmat 2023-mullu missingersuusiornermi siumut oqaatigineqarsinnaanikummat, piumasarineqarpoq 2023-mi TB1-mi qinnutigineqassasoq, ingerlatsivimmi atugassat iluini nuussinermi matussuserneqassasoq.

### **Inatsisitigut tunngavissaq allakkallu tunngaviusumik uppersaatillit**

- Atuarfik pillugu Inatsisartut inatsisissaattut siunnersuut nr. 15, 3. December 2012-imeersoq

### **Siusinnerusukkut aalajangiinerit**

*Meeqqanut Atuarfeqarnermullu Ataatsimiititaq, 01.03.23:*

Inassuteqaat akuersissutigineqarpoq.

*Aningaasaqarnermut Inuussutissarsiornermullu Ataatsimiititaq, 21.03.23:*

Inassuteqaat akuersissutigineqarpoq.

### **Ilanngussaq**

1. Misiligummik suliniut meeqqat atuarfiini mindfulness

## **Punkt 6: Kalaallit Nunaanni Danmarkimilu ulloq unnuarlu paaqqinnittarfinniissinnaanermik neqerooruteqartarneq pillugu nalunaarut tusarniaassutigineqarmat akissuteqaat**

### **Beslutning**

Ilisimatitsissut tusaatissatut tiguneqarpoq.

### **Bilag**

Danmarkimi aamma Kalaallit Nunaanni ulloq unnuarlu paaqqinniffinniinneq pillugu nalunaarutip allannguutaanik tusarniaanermut akissut

Danmarkimi Kalaallit Nunaannilu neqeroorutini ulloq unnuarlu najugaqarallarneq pillugu nalunaarut

## **Kalaallit Nunaanni Danmarkimilu ulloq unnuarlu paaqqinnittarfinniissinnaanermik neqerooruteqartarneq pillugu nalunaarut tusarniaassutigineqarmat akissuteqaat**

Ilisimatitsissut

SagsID: EMN-2023-00821

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

### **Inassuteqaat**

Aningaasaqarnermut Inuussutissarsionermullu Ataatsimiitap Kommunalbestyrelsimut inassuteqaatigaa:

- ilisimatitsissut tusaatitugit tiguneqassasoq

### **Suliassamik saqqummiussineq**

Suliffeqarnermut Isumaginninnermullu Ingerlatsiviup Qallunaat Nunaanni Social-, Bolig og ældreministeriet-miit Danmarkimi aamma Kalaallit Nunaanni ulloq unnuarlu paaqqinnittarfinniinnissamik neqeroorut pillugu nalunaarutissatut siunnersuut nutaaq tiguaa. Siunnersuut BEK 647 ulloq 31/05/2017-imeersup atuuttup allannguutigivaa. Suliffeqarnermut Isumaginninnermullu Ingerlatsivimmit tusarniaanermut akissuteqaat Qeqqata Kommunian aamma Kommuneqarfik Sermersooq sinnerlugit suliarineqarpoq. Meeqqanut Ilaqutariinnullu Ingerlatsivik isumassanik meeqqanut tunngasut pillugit allannguutissanik tunniussaqqarpoq.

Suliffeqarnermut Isumaginninnermullu Ingerlatsivimmi pisortap tusarniaassutigineqartoq Qeqqata Kommunian Isumaginninnermut pisortamit nassiussarsiarivaa, taassumalu Meeqqanut Inuussutunullu Naalackersuisoqarfimmit ulloq 5. februaari 2023-mi tigusimavaa. Naalackersuisoqarfiup tusarniaassutigineqartoq kommunini aqutsisut ilaannut aamma Isumaginninnermi Aqutsisoqarfimmut nassiuppaa akissuteqarnissamat ulluinnaat 6,5-it piffissaliullugit. Tusarniaassutigineqartoq pisortatigoortumik aqutit atorlugit kommuninut nassiunneqanngilaq. Tusarniaassutinut akissuteqaatit ilanngussatut ilanngunneqarput.

### Tusarniaanermut akissutip tigulaariffiginera

Siunnersuutip ingerlanneqarnera peruserineqartoq, tusarniaanermut piffissaliusaaq aamma tusarniaassutigineqartup nassiunneqarnera kommuninit assut isornartinneqarput. Nalunaarutip pingaarnertut allannguutitaa innuttaasut pineqaatissinneqarlutik inissinneqartut pillugit suliassanik agguataarinnermut tunngassuteqarpoq, tassani akisussaaffik akiliisussaataaernerlu siunnersuutigineqarpoq kommunimut inissinneqassasoq. Ullumikkut akisussaaffik akiliisussaataaernerlu namminersorlutik oqartussani inissisimavoq. Kommunit aamma namminersorlutik oqartussat akornanni suliassat agguataarneqarnerisa allanngortinneqarnissaannut Qallunaat Nunaanni nalunaarut Naalackersuisunit atorineqarnera, siumoortumik kommuninik isumaqatiginaqqaarani, qaqutigoortuuvoq. Tamanna kommuninit assut isornartinneqarpoq.

Tunniussineq aningaasaqarnikkut kommuninut annertuumik kinguneqartussaavoq.

2022-ip tungaanut Peqqinnissaqarfiup (Naalackersuisut ataanni) tarnimikkut nappaatillit pineqaatissinneqartut akisussaaffigivai, pinerluttulerinermi inatsimmi §240 naapertorlugu. Pinerluttulerinermi inatsit 2022-mi allanngortinneqarpoq, "tarnimikkut nappaateqartut inuilluunniit tamatumunnga assingulluinnartumik assersuunneqarsinnaasut" (imm. 1) aamma "silamigut inortoq" (imm. 2), tassani siullertut taaneqartoq suli peqqinnissaqarfimmit akisussaaffigineqarpoq,

kingullertullu taaneqartoq aalajangerneqarpoq inunnik isumaginnittoqarfimmit akisussaaffigineqassasoq.

Tusarniaanermut akissummi uparuarneqarpoq, silamikkut inortunut pineqaatissinneqarsimasunut tunngatillugu sullissineq, aningaasaliisarneq il.il. Naalackersuisunit tunniunneqarnissaat kissaatigineqarpat, tamanna Naalackersuisut aamma kommunit akornanni toqqaannartumik isumaqatiginninniutigineqartariaqartoq, nalunaarummi allannguisoqartinnagu, taanna Kalaallit Nunaata aamma Danmarkip akornanni inissinneqarsimasunut naleqqussarneqarmat.

Suliffeqarnermut Isumaginninnermullu Ingerlatsivik isumaqarpoq suliassaq kommunip sullissineranut tunniutissallugu naleqquttuunngitsaq, tassani suliassat ikittuinnaat annertoorujussuit pineqarmata. Eqqartuussivinnit pineqaatissinneqartup Danmarkimut inissinneqarnissaa aalajangiiffigineqartarpoq, kommunillu suliap ingerlanneqarneranut taamaalillutik sunniuteqanngillat. Tamatuma saniatigut ukiumi kingullerni suliart arlallit tunngaviumik paasinianeqarnissaat pisariaqarpoq, tamannalu Naalackersuisut aamma qallunaat naalackersuisa akornanni pisariaqarpoq. Aammattaaq suliani aningaasartuuterpassuusarput amerlasuutigullu sivisuujusarlutik.

Naalackersuisut §240, imm. 2 malillugu pineqaatissinneqarsimasut pillugit suliassat tunniunneqarnissaannik siunniussaqaarsimassappata, tusarniaanermut akissummi tamanna uparuarneqarpoq, tassa kommuninit naatsorsuutigineqarmat aningaasartuutiviit ataatsimoortumik tapiissutit imaluunniit Tamakkiisumik oqimaqatigiittoqarnissaanut tunngavik aqqutigalugu utertinneqartarnissaat. Tamanna tunngavigalugu allannguutaasinnaasut aamma pisinnaanngillat, siumoortumik isumaqatiginniuteqartoqartinnagu aamma missingersuutininik nalimmassaasoqartinnagu - tassa imaappoq, siusinnerpaamik ukiumi missingersuusiorfiusumut nutaamut ikaarsaalernermi.

#### Tusarniaanermut akissummut akissut

Suliffeqarnermut Isumaginninnermullu Ingerlatsivik februaarip ulluisa 16-ianni Meeqqanut, Inuusuttunut Ilaqutariinnullu Naalackersuisoqarfimmit tusarniaanermut akissummut atatillugu akissummik tigusaqarpoq. Nalunaarut suliassaqaqarnerulernermit kinguneqassanngitsaq isumaqarput, innersuussutigalugulu pinerluttulerinermit inatsimmi § 240, imm. 2 malillugu silamigut inortunik inissiisarnernut aningaasartuutit Naalackersuisunit akilerneqartartut, aningaasaqarnermut inatsimmi konto pingaarneq 30.13.44 silamigut inortunik inissiinerit takuuk. Tamatumunnga Naalackersuisut erseqqissaatigaat, ulloq unnuarlu inissiinerup saniatigut isumaginninnikkut ikiorsiissutit kisimik nalunaarummi malittarisassaliuunneqartut, taakkulu ikiorsiissutit Kalaallit Nunaanni inatsisit tunngavigalugit qanorluunniit kommunip susassaqaqfigigai.

Suliffeqarnermut Isumaginninnermullu Ingerlatsivimmit suli nalunaarutitigut pineqaatissinermit inissiinermit atatillugu Naalackersuisuniit kommuninut suliassanik tunniussinermit kinguneqassasoq. Naalackersuisoqarfimmit akissuteqaqqinnerminni allassimasutut ullumikkut pineqaatissinneqarsimasunut inissinneqarsimasunut isumaginninnikkut ikiorsiissutit akilerneqartarneri kommunit suliassarinnigilaat. Tamatuma saniatigut pinerluttulerinermit inatsimmi, aningaasaqarnermut inatsimmi nalunaarummiluunniit inissiinermit aningaasartuutit kisiisa Naalackersuisunut akilerneqartarneri erseqqissaatigineqanngilaq. Tamanna aningaasaqarnermut inatsimmi taamaallaat aalajangersarneqarsimavoq, kommuniminullu tusarniaatigineqarnani allanngortinneqarluni.

#### **Ingerlatsivimmit aningaasatigut sulisoqarnikkullu naliliinerit**

Nalunaarutissatut siunnersuut isikkumisut akuersissutigineqassappat tamatumunnga aningaasartuutit annertuut ilaassapput. Qanoq annertutigineri ilisimaneqanngilaq, suliart ullumikkut Namminersorlutik Oqartussanit isumagineqartarmat. Suliffeqarnermut Isumaginninnermullu Ingerlatsiviup naatsorsuutigivaa, kommunit aningaasartuuteqaqarnerulernerat

tamakkiisumik tapiissutit imaluunniit utertitsineq aqputigalugit utertinneqartassasut. Taakkununga sullissinermi aningaasartuuteqarnerulerneq ilanngutissaaq.

### **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppernarsaatillit**

- Kalaallit Nunaanni Danmarkimilu ulloq unnuarlu paaqqinnittarfinnik neqerooruteqartarneq pillugu nalunaarut
- Kalaallit Nunaanni pinerluttulerinermut Inatsit

### **Siusinnerusukkut aalajangiinerit**

*Suliffeqarnermut Isumaginninnermullu Ataatsimiititaq, 21.02.23:*

Ilisimatitsissut tusaatissatut tiguneqarpoq.

*Aningaasaqarnermut Inuussutissarsiornermullu Ataatsimiititaq, 21.03.23:*

Ilisimatitsissut tusaatissatut tiguneqarpoq.

### **Ilanngussat**

1. Danmarkimi aamma Kalaallit Nunaanni ulloq unnuarlu paaqqinniffinniinneq pillugu nalunaarutip allannguutaanik tusarniaanermut akissut
2. Danmarkimi Kalaallit Nunaannilu neqeroorutini ulloq unnuarlu najugaqarallarneq pillugu nalunaarut

## **Punkt 7: Kommunimut pilersaarummut tapiliussassatut siunnersuut, 1A3-3 Jens Kreutzmannip aqputaa aamma Saqqarliit, Nuuk pillugu tamanut tusarniaaneq**

### **Beslutning**

Ilisimatitsissut tusaatissatut tiguneqarpoq.

### **Bilag**

Kommunimut pilersaarummut tapiliussassatut siunnersuut, 1A3-3 Jens Kreutzmannip aqputaa aamma Saqqarliit, Nuuk



# **Kommunimut pilersaarummut tapiliussassatut siunnersuut, 1A3-3 Jens Kreutzmannip aqputaa aamma Saqqarliit, Nuuk pillugu tamanut tusarniaaneq**

Ilisimatitsissut

SagsID: EMN-2022-09679

Sanarfinermut Avatangiisinullu Ingerlatsivik - pisortaq Hans Ulrik Skifte / HUTS

## **Inassuteqaat**

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigaa:

- ilisimatitsissut tusaatissatut tiguneqassasoq

## **Suliassamik saqqummiussineq**

Sanarfinermut Avatangiisinullu Ingerlatsivimmit kommunimut pilersaarummut tapiliussassatut siunnersuut 1A3-3 Jens Kreutzmannip Aqputaa aamma Saqqarliit, matumuuna saqqummiunneqarpoq.

Immikkoortup ilaa 1A3 Nuup qeqqaniippoq Qapiarfiusaap aamma Dronning Ingridip Napparsimmavissuata (SANA)-p akornanniilluni 12 ha.-llu miss. annertutigaaq.

Kommunimut pilersaarummut tapiliussaq 1A3-3 suliarineqarpoq, immikkoortumi ullutsinnut naleqquttunik aalajangersagaliornissaq siunertaralugu, taamaalilluni ineqarfissatut pilergineqartuaannarniassamat. Tassunga atatillugu kommune inissiaqarfiup sanaartorfigineqanngitsortaa pillugu, pitsaaqutaalu pillugit tamakkiisumik nalilersuivoq, inissiat qanoq ilillutik allilernerqarsinnaanersut siunissamullu qulakkeerneqarsinnaanersut, sumiiffimmi illuliortaaseq immikkullu ilisarnaatai atatiinnarlugit.

Kommunimut pilersaarummut tapiliussassatut siunnersuummi immikkoortup nunap assingani killilersugaanera annertusineqarpoq aamma immikkoortup ilai 1C8-p aamma 1D3-p ilaat ilanngunneqarlutik. Pilersaarusiortuup pingaarnertut atuuffia inissiaqarfittut attatiinnarneqassaaq.

Immikkuualuttut marluk atugassiissutigineqarput. Immikkuualuttoq A siammasissunik pukkitsunik inissianik sanaartorfissatut atugassiissutigineqarput, quleriit 1,5-it tikillugit, annerpaamik tunngaviup nunaminertarissavaa 120 m<sup>2</sup>. Ungasissusissamat piumasaqaat tunngavigalugu inissiat tamarmik tunngaviup nunaminertaata annerpaaffissaannut allilernerqarnissaat periarfissaqanngillat. Immikkuualuttoq B akulikitsunik pukkitsunik inissianik sanaartorfissatut atugassiissutigineqarput, quleriit 2,5-it tikillugit, Immikkuualuttoq B-mi illut uiguleriit tallimaanit pingasut isatereerput uiguleriillu kingulliit marluk isaternerqarnissaannut pilersaarutaareerlutik. Kommunimut pilersaarummut tapiliussami maanna siusinnerusukkulluunniit uiguleriit inissiat inissisimaffianni nutaanik sanaartorfissanik atugassiisoqarpoq. Uiguleriinnik nutaanik sanaartornermi aalajangersakkat tunngavigalugit eqqaaniittunut illunut sanaartorfinnut tulluartuunissaat qulakkeerneqassaaq.

Siunnersuut sapaatip-akunnerini arfineq-pingasuni tamanut tusarniaassutigineqassaaq.

Matumani Kommunimut pilersaarummut tapiliussassatut siunnersuutip 1A3-3-p akuersissutigineqarneratigut 1A3-2 atorunnaarsinneqassaaq.



### **Ingerlatsivimmit aningaasatigut sulisoqarnikkullu naliliinerit**

Ingerlatsivimmi Kommunitumut pilersaarummut tapiliussamik suliaqarnissami ukioq naallugu suliffiit 1/3 pisariaqartinneqassasut nalilerneqarpoq.

### **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppernarsaatillit**

- Pilersaarusiorneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-meersoq
- Inatsisartut inatsisaa nr. 34, 9. december 2015-imeersoq
- Kommunitumut pilersaarut digitaliusoq [www.kp.sermersooq.gl](http://www.kp.sermersooq.gl)

### **Siusinnerusukkut aalajangiinerit**

*Sanarfinermut Avatangiisinullu Ataatsimiititaq, 23.02.23:*

Inassuteqaat akuersissutigineqarpoq.

*Aningaasaqarnermut Inuussutissarsiornermullu Ataatsimiititaq, 21.03.23:*

Sanarfinermut Avatangiisinullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- kommunimut pilersaarummut tapiliussassatut siunnersuut, 1A3-3 Jens Kreutzmannip aqputaa aamma Saqqarliit, Nuuk, tamanut tusarniaassutigineqarnissaa siunertaralugu akuersissutigineqassasoq
- suliaq ilisimatitsissutitut Kommunalbestyrelsimut ingerlateqqinneqassasoq

Inassuteqaat akuersissutigineqarpoq.

### **Ilanngussat**

1. Kommunitumut pilersaarummut tapiliussassatut siunnersuut, 1A3-3 Jens Kreutzmannip aqputaa aamma Saqqarliit, Nuuk

## **Punkt 8: Kommunimut pilersaarummut tapiliussamut siunnersuut L9-1, Kiattua, Amitsuarsuk, Nuuk pillugu tamanut tusarniaaneq**

### **Beslutning**

Ilisimatitsissut tusaatissatut tiguneqarpoq.

### **Bilag**

Kommunimut pilersaarummut tapiliussasatut siunnersuut L9-1, Kiattua, Amitsuarsuk, Nuuk

## **Kommunimut pilersaarummut tapiliussamut siunnersuut L9-1, Kiattua, Amitsuarsuk, Nuuk pillugu tamanut tusarniaaneq**

Ilisimatitsissut

SagsID: EMN-2022-06854

Sanarfinermut Avatangiisinullu Ingerlatsivik - pisortaq Hans Ulrik Skifte / HUTS

### **Inassuteqaat**

Aningaasaqarnermut Inuussutissarsionermullu Ataatsimiitap Kommunalbestyrelsimut inassuteqaatigaa:

- ilisimatitsissut tusaatissatut tiguneqassasoq

### **Suliassamik saqqummiussineq**

Sanarfinermut Avatangiisinullu Ingerlatsivimmit kommunimut pilersaarummut tapiliussatut siunnersuut L9-1, Kiattua, Amitsuarsuk, Nuuk, siunnersuut matumuuna saqqummiunneqarpoq.

Kommunimut pilersaarummut tapiliussaq suliarineqarpoq pilersaarutitut siunnersuut Camp Kiattua tunuliaqutaralugu, piffissami marsip ulluisa aappaanniit – apriliip ulluisa 27-ata 2022-p tungaanut tamanut saqqummiunneqartoq, kingornagullu Sanarfinermut Avatangiisinullu Ataatsimiitap piunasaqaateqarneratigut sapaatip akunnerini pingasuni soqutigisaqartunut tusarniaassutigineqarpoq septembari 2022-mi.

Kommunimut pilersaarummut tapiliussaq una aqqutigalugu immikkoortup ilaa L-imi nutaamik takornarialerineri siunertanut atugassiisoqassaaq. Immikkoortoq Kapisillit avannaatungaani Amitsuarsuup paavata nalaani kujallermiippoq. Kangerluk naggorissunik sivinganertaqartiterpoq, tamaaniilu kuuit kuunnguillu arlaqarlutik. Immikkoortup ilaata kangiatungaa eqaloqarfiunngitsumik kooqarpoq. Kangerluk Thule aamma Noorliit kulturianeersunik il.il. qanganisaqarpoq. Immikkoortullu ilaa Noorliit illukuat assitaliunneqarnikuuvoq, normoqarlunilu NKAH1470.

Immikkoortup ilaani sillajaanik salliarnartaqartiterpoq, taakkulu takornarianut illuaqqiorfissaqqillutik assigisaanilluunniit, tassami manissukajaajullutillu sivingajaartumiipput, isikkivigissitinneqarniassammata.

Immikkoortumi qattorngit katillugit aqqaneq-marluk sanaartorfineqarsinnaapput, pigisanut ilioraaviit pinngortitamilu uffarfiit ilanngullugit, qattorngit arfineq-pingasut tupeqarfiussapput sulisut inissaannut, taavalu illu angisooq ataaseq, tassunga igaffik neriniartarfillu inissinneqassallutik. Qattorngit annerpaamik 50 m<sup>2</sup>-iussapput, taavalu pigisanut ilioraaviit annerpaamik 6 m<sup>2</sup>-iussapput. Illu angisooq annerpaamik 140 m<sup>2</sup>-iussaaq 1 ½-nik quleriilik. Sanaartorneqartut tamarmik nunamut naleqqussagaassapput, inississornerilu sapinngisamik nunamut tulluarsagaassallutik.

Sumiiffimmi aqqusineeraliortoqarsinnaavoq, tassuuna qulakkeerniarlugu aqqutiliat pioreersut sapinngisamik allanngutsaalineqarnissaa. Aammattaaq sanaartornermut atatillugu puttasuliortoqarsinnaavoq, taannalu tamanit atorineqarsinnaasuussaaq. Aserfallatsaaliuineriut atatillugu nunaminertamik piginnittussaataasoq pisussaaffeqartinneqassaaq.

Pilersaaruserfiusoq nukissiuutinik imminut pilersortussaavoq, tamannalu sapinngisamik seqernup qinngorneranik atuinermiit pissaaq. Illuaqqat toqqilluunniit silataani qalipaataat avatangiisinut sapinngisamik ilassuuttuussapput.

Siunnersuut sapaatip-akunnerini arfineq-pingasuni tamanut tusarniaassutigineqassaaq.

### **Ingerlatsivimmit aningaasatigut sulisoqarnikkullu naliliinerit**

Pilersaarutitut tunngasut suliarineqarneranni aningaasatigut sulisoqarnikkulluunniit kinguneqassanngilaq.

### **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppersaataitallit**

- Pilersaarusiorneq aamma nunaminertat atorineqartarnerat pillugit Inatsisartut inatsisissaat nr. 17, 17. november 2010-imeersoq
- Inatsisartut inatsisissaat nr. 34, 9. december 2015-imeersoq
- Kommunitut pilersaarut digitaliusoq [www.kp.sermersooq.gl](http://www.kp.sermersooq.gl)

### **Siusinnerusukkut aalajangiinerit**

*Sanarfinermut Avatangiisinullu Ataatsimiititaq, 23.02.23:*

Inassuteqaat akuersissutigineqarpoq.

*Aningaasaqarnermut Inuussutissarsiornermullu Ataatsimiititaq, 21.03.23:*

Sanarfinermut Avatangiisinullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- kommunimut pilersaarummut tapiliussamut siunnersuut L9-1, Kiattua, Amitsuarsuk, Nuuk tamanut tusarniaassutigineqarnissaa siunertaralugu akuersissutigineqassasoq
- suliaq ilisimatitsissutitut Kommunalbestyrelsimut ingerlateqqinneqassasoq

Inassuteqaat akuersissutigineqarpoq.

### **Ilanngussat**

1. Kommunitut pilersaarummut tapiliussasatut siunnersuut L9-1, Kiattua, Amitsuarsuk, Nuuk

## **Punkt 9: Kommunalbestyrelsip suleriaasissaa**

### **Beslutning**

Immikkoortoq 9 oqaluuserisassanit peerneqarpoq.

### **Bilag**

Suleriaasissatut nutaatut siunnersuut

## Kommunalbestyrelsip suleriaasissaa

Aalajangiiffigisassaq

SagsID: EMN-2022-09087

Suliffeqarfimmut Kiffartuussivik – Kommunaldirektøri Ole Jakobsen / OJAK

### Inassuteqaat

Suliffeqarfimmut Kiffartuussiviup Kommunalbestyrelsimut inassuteqaatigaa:

- suleriaasissaq akuersissutigineqassasoq

### Suliassamik saqqummiussineq

Kommunit aqunneqarnerat pillugu inatsisartut inatsisaat nr. 29, 17 november 2017-imeersumi § 1 imm. 3 naapertorlugu Kommunalbestyrelsip nammineq suleriaasissani akuersissutigissavaa.

Suleriaasissami Kommunalbestyrelsip periaasissatut malittarisassai aalajangersagaapput.

Kommunalbestyrelsip suleriaasissaani makku aalajangersarneqarput:

- Kommunalbestyrelsip ataatsimiittarneri
- Kommunalbestyrelsimut ilaasortat ataatsimeeqataasinnaannginnerat
- Kommunalbestyrelsimut ilaasortat oqaluuserisassanngortitsisinnaatitaanerit
- Oqaluuserisassat nassiunneqartarnerat suliallu saqqummiunneqartarnerat
- Aalajangiisinnaassuseqarneq
- Ataatsimiinnernik aqutsineq
- Suliassat saqqummiunneqarnerat
- Aalajangiinissamut tunngavissaq
- Ilaasortat sulianut attuumavallaarsinnaanerit
- Ilaasortat oqaluuserinninnermi taasinermilu peqataasarnerat
- Taasinerit
- Allanguutissatut aamma allanguutaaqqittussatut siunnersuutit
- Qinigassanngortittunik qinersineq – amerlanerussuteqarnikkut qinersineq
- Qinigassanngortittunik qinersineq – agguaqatigiissitsinikkut qinersineq
- Aalajangerit pillugit imaqarniliaq
- Borgmesterip aqutsinissaminut pisinnaatitaaffii

Pisortaqatigiit Allatseqarfiata Kommunalbestyrelsip suleriaasissaattut siunnersuut sularaa.

Suleriaasissami allanguutissatut siunnersuummi pingaarnertut imarisai tassaanerupput:

- Immikkut ittunik ataatsimiittarnissanut piffissaliussanik ersarissaaneq
- Ataatsimeeqataasinnaannginnermut aamma sinniisussamik aggersaanissamut periusissiamik ersarissaaneq
- Kommunalbestyrelsimi ilaasortat oqaluuserisassanngortitsisarnerannut tunngasunik periusissianik ersarissaaneq
- Aalajangiinernut imaqarniliat elektroniskimik atsiorneqartarneri
- Ikinnerussuteqartutut oqaaseqaateqarsinnaatitaanerit tunngatillugu periusissiamik ersarissaaneq

Kommunalbestyrelsip suleriaasissani akuersissutigippagu, 28. marsi 2023-mit atuutilissaaq.

Suleriaasissaq akuersissutigineqariarpat atsiorneqarlunilu, Naalakkersuisunut nassiunneqassaaq, aqutsineq pillugu inatsimmi § 1, imm. 4 naapertorlugu.

Suleriaaseq kommunip nittartagaatigut tamanut nalunaarutigineqassaaq.

**Inatsisitigut tunngavissaq allakkallu tunngaviusumik uppersaatillit**

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

**Ingerlatsivimmit aningaasatigut sulisoqarnikkullu naliliinerit**

Pisariaqanngilaq.

**Suliffeqarfimmut Kiffartuussivimmit aningaasatigut naliliineq**

Pisariaqanngilaq.

**Ilanngussat**

1. Suleriaasissatut nutaatut siunnersuut

## **Punkt 10: Kommuneqarfik Sermersuumi piginnaatitsinermik atsiorsinnaatitaanernillu agguataarineq**

### **Beslutning**

Immikkoortoq 10 oqaluuserisassanit peerneqarpoq.

### **Bilag**

Kompetencefordelingsplan\_KAL\_13.03.23.docx



## **Kommuneqarfik Sermersuumi piginnaatitsinermik atsiorsinnaatitaanernillu agguataarineq**

Piginnaatitsinermik agguataarinissamut atsiorsinnaatitaanermullu malittarisassanik nutarterineq

Aalajangiiffigisassaq

SagsID.: EMN-2023-01023

Suliffeqarfimmut Kiffartuussivik - kommunaldirektøri Ole Jakobsen / OJAK

### **Inassuteqaat**

Aningaasaqarnermut Inuussutissarsionermullu Ataatsimiititap Kommunalbestyrelsimut inassuteqaatigaa:

- piginnaatitsinermik agguataarinissamut pilersaarut nutartigaq akuersissutigineqassasoq, matumani Kommuneqarfik Sermersuumi atsiorsinnaatitaanermut najoqqutassiaq nutartigaq ilanngullugu

### **Suliassamik saqqummiussineq**

Kommuneqarfik Sermersuumi Piginnaatitsinermik agguataarinermut pilersaarutip nutarterneqarnissaa pisariaqalersutut Suliffeqarfimmut Kiffartuussivimmup nalilerpaa.

Piginnaatitsinermik agguataarinissamut pilersaarummi takuneqarsinnaavoq, aalajangiisinaanermut piginnaatitsissutit Kommunalbestyrelsip, ataatsimiititap allaffeqarfiullu akornanni qanoq agguataarneqarsimanersut. Piginnaatitsinermik agguataarinissamut pilersaarummi ingerlatsivinni tamani qinikkanik sullissinerup assigiissarnissaata malinnaaffigilluarnissaa qulakkeerneqassaaq, aammalu suliani ataasiakkaani kikkut aalajangiinissamut piginnaatitaanerik nalornisoqarsinnaanera pinaveersaartinneqassalluni.

Piginnaatitsinermik agguataarinermut pilersaarut pisortat ingerlatsivinnilu ataasiakkaani aqutsisut oqaloqatigereerlugit, kiisalu ingerlatsivinni piginnaatitsinermik agguataarinissamik pilersaarut siornatigullu suliamik saqqummiussat aammalu Kommuneqarfik Sermersuumi Aqutsinermi lleqqoreqqusat naapertorlugit suliarineqarpoq.

Piginnaatitsinermik agguataarinissamut pilersaarut kingullermik nutarterneqarpoq 2022-mi februaarip qaammataani Kommunalbestyrelsip ataatsimiinnerani. Siunissami pisariaqartinneqalersillugu ukiup affakkaartumik misissuataarneqarlunilu nutarterneqartassaaq.

Allaffissornermi suleriaatsit sukaterneqarnissaa kissaatigineqarnikuuvoq, aammalu politikerit allaffeqarfiullu akornanni piginnaatitsinermi qaffasissutsip eqqortuunissaa qulakkeerneqassasoq. Taamaattumik piginnaatitsinermik agguataarinissamik pilersaarut ingerlatsivinni ataatsimiititanilu susassaqtartuni suliarineqartarsimavoq. Piginnaatitsinermik agguataarinissamut pilersaarummut allannguutit ilanngussaq 1-imi takuneqarsinnaapput.

Tamatuma saniatigut allakkiaq *Atsiorsinnaatitaaneq* Piginnaatitsinermik agguataarinermut pilersaarummut ilanngullugu suliaavoq, taamaalilluni Kommuneqarfik Sermersuumi atsiorsinnaatitaanermut najoqqutassaq Piginnaatitaanermik agguataarinissamut pilersaarummi takuneqarsinnaassalluni, tassa immikkoornani.

Atsiorsinnaatitaanermut piginnaatitsinermik pilersaarummi nassuiaatigineqarpoq isumaqatigiissuteqarnermi atsioqatigiinnermilu kikkut atsiorsinnaatitaanersut. Atsiorsinnaatitaanermut piginnaatitsinermik pilersaarummi siunertarineqarpoq qulakkiissallugu, isumaqatigiissutit atsioqatigiissutillu, aningaasatigut aamma/imaluunniit inatsisitigut kommunimi



pituttorsimasut aaqjissuussinermi qaffasissutsimi eqqortumi aalajangiiffigineqarsimanissaat isumaqatigiissuteqarfigisimanissaallu. Taamaalilluni allaffeqarfimmi paasilluarneqarniassamat, isumaqatigiissut atsioqatigiissullu qaqugukkut politikikkut suliarineqassanersoq, aammalu qaqugu aalajangiiffigineqassanersoq taavalu pisortamit fagchefimillu atsiorneqassanersoq. Atsiorsinnaatitaanermut piginnaatitsinermik pilersaarut aamma Piginnaatitsinermik agguataarinermut pilersaarut ataatsimoortinneqartillugit paatsoortoqaratarnissaanik annikillisaataassaaq sumullu attuumassuteqarneq paasiuminarnerulissaaq.

### **Ingerlatsivimmit aningaasatigut sulisoqarnikkullu naliliinerit**

Allaffeqarfimmut malittarisassat nutaat qulakkeertariaqarpaat kommunimi missingersuutit atuinerullu ammanerunissaat, peqatigitillugulu pilersinneqassalluni aningaasaqarnerup pitsaanerusemik malinnaaffigineqarnissaa aqunneqarnissaa - allaffissornikkut politikikkullu.

### **Suliffeqarfimmut Kiffartuussivimmit aningaasatigut naliliineq**

Oqaaseqaateqartoqanngilaq.

### **Inatsisitigut tunngavissaq allakkallu tunngaviusumik uppernarsaatillit**

- Kommunit aqunneqarnerat pillugu Inatsisartut inatsisaat nr. 29, 17. november 2017-meersoq
- Kommuneqarfik Sermersuumut piginnaatitsinermik agguataarinissamut pilersaarut

### **Siusinnerusukkut aalajangiinerit**

*Aningaasaqarnermut Inuussutissarsiornermullu Ataatsimiititaq, 21.03.23:*

Inassuteqaat akuersissutigineqarpoq.

### **Ilanngussat**

1. Kommuneqarfik Sermersuumi Piginnaatitsinermik agguataarinissamut pilersaarut marsi 2023-meersoq

# **Punkt 11: Kommuneqarfik Sermersuumi sanaartornermut iluarsartuussinermullu aningaasaateqarfiup naatsorsuutitigut teknikkikkullu malittarisassat**

## **Beslutning**

Inassuteqaat akuersissutigineqarpoq imatut allannguutitalerlugu: Ilanngussamut siullermut aaqqiissutit pingasuusut Sanarfinermut Avatangiisinullu Ingerlatsivimmiit saqqummiunneqarput. Allannguutit imaqarniliamut ilanngussat aappaattut ilanngunneqassapput. Aaqqiissutit pingasuusut ilanngussap aappaani sungaartumik nalunaaqutserneqarput.

## **Bilag**

Kommuneqarfik Sermersuumi sanaartornermut iluarsartuussinermullu aningaasaateqarfiup naatsorsuutitigut teknikkikkullu malittarisassat

Kommuneqarfik Sermersuumi sanaartornermut iluarsartuussinermullu aningaasaateqarfiup naatsorsuutitigut teknikkikkullu malittarisassat - naqqitat



# Kommuneqarfik Sermersuumi sanaartornermut iluarsartuussinermullu aningaasaateqarfiup naatsorsuutitigut teknikkikkullu malittarisassat

Aalajangiiffigisassaq

SagsID.: EMN-2023-00683

Suliffeqarfimmut Kiffartuussivik - kommunaldirektøri Ole Jakobsen / OJAK

## Inassuteqaat

Aningaasaqarnermut Inuussutissarsionermullu Ataatsimiititap Kommunalbestyrelsimut inassuteqaatigaa:

- Kommuneqarfik Sermersuumi sanaartornermut iluarsartuussinermullu aningaasaateqarfiup naatsorsuutitigut teknikkikkullu malittarisassat akuerineqassasut
- Allaffeqarfik naatsorsuutitigut teknikkimullu tunngasuni annertunngitsunik allannguissamut, tamanna IT-p inissinneqarnerata pisariaqartippagu, pisinnaatinneqarnissaa akuerineqassasoq

## Suliassamik saqqummiussineq

Kommuneqarfik Sermersuumi sanaartornermut iluarsartuussinermullu aningaasaateqarfimmi naatsorsuutitigut teknikkikkullu pilersitsisoqassasoq Kommunalbestyrelsip ulloq 20. decembari 2022-mi akuersissutigaa. Kommunit aamma Namminersorlutik Oqartussat naatsorsuutaat pillugit Namminersorlutik Oqartussat nalunaarutaat nr. 6, 20. januar 2022-meersumi § 10 malillugu uani pisumi naatsorsuutitigut aningaasaateqarfimmut malittarisassat Aningaasaqarnermut Inuussutissarsionermullu ataatsimiititamiit innersuussisoqarnerata kingornatigut Kommunalbestyrelsip akuersissutigissavai.

Ingerlatsivimmit decembarimili kommunip naatsorsuutininut programmianik pisiortorfik peqatigalugu illup iluani avataanilu suleqatit iluaqutigilluarlugit naatsorsuutitigut teknikkikkullu naatsorsuutit sanaartugassanut iluarsartuussinermullu aningaasaateqarfiup aaqjissuunneqarnissaa sularineqarput. Aningaasaateqarfik ukiumi naatsorsuusiortiusumi 2022-mi atuutilertussaammat malittarisassat piaartumik naammasseqquneqarput.

Malittarisassat ilanngussaq 1-imiipput.

Aningaasaateqarfimmi aningaasaliiffigisartagassat assigiinngitsut pingasut pingaarnerit tassaapput:

1. Sanaartugassanut aningaasaliissutit, suliassamut aalajangersimasumut aningaasaliissutaasut marloqiusamik aningaasalersuinerimik tunngavillit
2. Sanaartugassanut aningaasaliissutit immikkoortitaniittut, soorlu sinerissap qanittuani aalisarnermut aningaasaliissutit, taakkunannga sanaartugassanut aningaasaliissut atugassanngortissinnaasunngorlugit. Immikkoortitaniit aningaasartuutitit nalunaarsortarunnaarlugit. Tassa imaappoq, immikkoortinneqartut pilersaarutaasumik aningaasaliissutaapput, kisiannili suliniummumut aalajangersimasumut suli atorineqartussaananik
3. Iluarsartuussinernut aningaasaliissutit ingerlatsinermut aningaasaliissutit taaneqartut, kommunip illuutaanik iluarsartuussinermut aserfallatsaaliuinerimullu matussutaasut. Taakku illuutit ingerlanneqarnerinut tunngammata immikkut taakku sanaartornermi naatsorsuusiorneqassanngillat

Malittarisassanik atuutsitsilernikkut aamma marloqiusamik aningaasalersueriaatsimik tunngaveqarneq akuerineqartoq tunngavigalugit, kommunip sanaartugassatut pilersaarutaanik pitsaannerusumik ingerlatsivimmi Kommunalbestyrelsimilu aqutsisoqarsinnaanera naatsorsuutigineqarpoq.



Siunissami aamma politikikkut ataatsimiititaq sorleq sanaartugassamik pilersaarusiorfigineqarnersoq ilanngunneqartalissaaq soorlu aamma missingersuutitut siunertaq sumiiffillu nalunaarsuiffigineqarsinnaalissasut.

Siunissamilu sanaartukkanut naatsorsuutit, malittarisassani taaneqartuni, naatsorsuutitik allattuiffinni immikkoortunut inissinneqartalissapput, pilersaarutit ataasiakkaat pillugit takussutissat isumaqatigiissutigineqartullu ataasiakkaat ilanngullugit.

Ukiut tamaasa sanaartornermut iluarsartuussinermullu nassuiaammik aningaasaqarneq pillugu nalunaarusiortoqartarpoq. Pilersaarutitut tamanut aningaasaliinnginnermi aningaasaqarneq, atuinnginnermi aningaasaqarneq, ukiumut aningaasaliissutit, ukiumut atuineq, ukiup naanerani aningaasaliissutit ukiullu naanerani atuineq takutinneqartarput. Ilangussatut pilersaarutitut tamanut allakkamik nassuiaammik naatsumik ilanngussisoqartarpoq.

Taamatuttaaq innuttaasut akileraartartut aningaasaataannik pisariaqanngitsumik uninngatitsinissaq pinaveersaartinniarlugu pilersaarutit ataasiakkaat tamarmik ingerlateqqinneqassanersut, matuneqassanersut imaluunniit aningaasaliissutit sinneqartoorutigineqartut utertinneqassanersut inassuteqaatigineqartassaaq. Aningaasaliissutitut tapiissutissat allamit piniarneqartassapput.

Pilersaarutit 31.12.2022-miit massakkumut ingerlasut ukiumi naatsorsuusiortifiusumi 2022-mi naatsorsuutitigut teknikkikkullu sanaartornermut iluarsartuussinermullu aningaasaateqarfimmut nuunneqassapput. 2022-mut aningaasaliissutitut ilanngullugit nuunneqassapput siusinnerusukkut aningaasaliissutitut ilanngunnagit. "Sanaartornermut iluarsartuussinermullu aningaasaateqarfimmut aningaasaliissutitik nuutitsineq" malillugu aningaasaliissutit nuunneqartarput. "Sanaartornermut iluarsartuussinermullu aningaasaateqarfimmi aningaasaliissutitik atuineq" malillugu 2022-mi atuineq nuunneqassaaq taamaalillutik ingerlatsinermut naatsorsuutit aallaqqaataaneermeqassammata.

IT-mut atortunik ikkussuilluni sulineq suli naammassinngilaq kisiannili ingerlarnga ima siuarsimatigilerpoq, aalajangiiffigisassat immikkoortuisa pingajuanni allaqqasutut allaffeqarfik minnerusunik allannguuteqarsinnaalersinneqassappat, malittarisassat politikikkut suliarineqarsinnaalissallutik. Minnerusuinnarnik annertunngitsunik allannguuteqartoqarnissaa naatsorsuutigineqarpoq.

### **Ingerlatsivimmit aningaasatigut sulisoqarnikkullu naliliinerit**

Aningaasaqarnermut aqutsissummik ikkussuinermit aningaasartuutit pisortat ataatsimut qarasaasiaqarfiannit akilerneqassapput kommunimilu IT-mut aningaasartuutini kontulerneqarlutik.

### **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppernarsaatillit**

- Kommunit aamma Namminersorlutik Oqartussat naatsorsuutaat pillugit Namminersorlutik Oqartussat nalunaarutaat nr. 6, 20. januar 2022-meersoq.
- Kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisaat nr. 26, 28. november 2016-imeersoq

### **Siusinnerusukkut aalajangiinerit**

*Aningaasaqarnermut Inuussutissarsiornermullu Ataatsimiititaq, 21.03.23:*

Inassuteqaat akuersissutigineqarpoq.



## **Ilanngussat**

1. Kommuneqarfik Sermersuumi sanaartornermut iluarsartuussinermullu aningaasaateqarfiup naatsorsuutigut teknikkikkullu malittarisassat

## **Punkt 12: Arctic Park**

### **Beslutning**

Inassuteqaat amerlanerussuteqartunit (IA, N aamma D) akuersissutigineqarpoq.

Inassuteqaat ikinnerussuteqartunit (S) itigartissutigineqarpoq.

### **Bilag**

Nalunaarusiaq Arctic Park

Angalaneq pillugu nalunaarusiaq

Tilbud – Kortlægning af vej til Paradisdalen



## Arctic Park

Aalajangiiffigisassaq

SagsID: EMN-2021-11270

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

### Inassuteqaat

Aningaasaqarnermut Inuussutissarsiornermullu Ataatsimiitamiit Kommunalbestyrelsimut inassuteqaatigineqarpoq:

- Arctic Park pillugu nalunaarussiaq akuerineqassasoq

### Suliassamik saqqummiussineq

Arctic Park tassaavoq Nuummi ukiuunerani aasaanerani timersuutini kiisalu sunngiffimmi pinngortitami sammisassanik ineriartortitsinermik suliniut anguniagaqarfiusoq siunissamullu naleqqussagaq. Pilersaarut aningaasaateqarfimmit Sisorarfiit 2019-ip ukiaani saqqummiunneqarpoq, kingornalu peqatigiiffiit, najukkami innuttaasut suliffeqarfiillu ilanngutsinnerisigut ineriartortinneqarluni. Taamaalilluni pilersaarummi najukkami innuttaasunit peqatigiiffinnillu kissaatigineqartut tunngaviupput.

Arctic Park tassaavoq sammisassaqaarfik tamaani sammisassat suunissaat innuttaasunit peqatigiiffinnillu sunniuteqarfigineqartut. Parki Nuummi aamma Kalaallit Nunaanni sammisassatut periarfissanik tupinnaannartunik ammaasseqataassaaq.

Kommuneqaarfik Sermersooq 2021-mi nalunaarusiortussamik pilersaarusiornermik sulialimmik atorfeqartitaqarnikuuvoq. Pilersaarutip nalunaarusiarineqarnerani peqatigiiffiit, najukkami innuttaasut aamma suliffeqarfiit akuutinneqarsimapput. Tamatuma inernerivaa nalunaarussiaq ilanngussatut ilanngunneqartoq, suliniutit agguataarlugit allaaserinnittoq:

- Aqqusineq
- Hotel, cafe, illuaqqat, lejrskole aamma klubhuse
- Qaqqasioq, zipline, pisuttunut aqquteeqqat
- Mountainbike
- Ujakkarneq
- Sisoraatigaluni ooqattaasarneq
- Sisorarnerit
- Skilift
- Qamuteralaat

Arctic Park aqqutigalugu takorloorneqarpoq Nuup illoqarfiata tunuani nuna tikinneqarsinnaangorlugu sunngiffimmi sammisassaqaarfittut nutaatut ineriartortinneqassasoq asimi nunami immikkuullarissumi taamaakkaluortoq illoqarfimmut qanittumi. Arctic Park aqqutigalugu kissaatigineqarpoq illoqarfiup alliertortup ungasinngisaani pinngortitami nunaminertamik inuit katersuuffiannik nutaamik pilersitsisoqassasoq. Anguniarneqarpoq ukioq kaajallallugu pinngortitami misigisassanik immikkuullarissunuk nuannisarfiusinnaalluuartunillu pilersitsisoqassasoq. Kikkulluunniit, meeqqat utoqqaallu, innuttaasut takornariallu ukioq kaajallallugu nunap immikkoortuanut tassunga ornigussinnaassapput pinngortitaq immikkuullarilluinnartoq misigisaqarfigalugu, sammisanilu assigiinngitsuni peqataallutik. Tamanna Kommuneqaarfik Sermersooq 2022 - 2025 IA aamma Naleraq Suleqatigiinnissamik isumaqatigiissutaannut naapertuuppoq.



Nalunaarusiap akuerineqarneratigut suliniutip ilai sanaartorerup iluani politikikkut tulleriarnermi aammalu aningaasanik isumaqatigiinniarnermi ilaatinneqarsinnaapput. Alloriarneq siulleq tassaasariaqarpoq aqquserniorneq, peqatigiiffiit inuussutissarsiutinillu suliaqartut sanaartornertaanut sanaartukkanullu tunngasunik aallartisisinnaaqullugit.

### **Ingerlatsivimmit aningaasatigut sulisoqarnikkullu naliliinerit**

Pisariaqanngilaq.

### **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppernarsaatillit**

- Inuit Ataqaatigiit Naleqqallu akornanni suleqatigiinnissamik isumaqatigiissut

### **Siusinnerusukkut aalajangiinerit**

*Meeqqanut Atuarfeqarnermullu Ataatsimiititaq, 01.03.23:*

Inassuteqaat amerlanerussuteqartuniit akuersissutigineqarpoq (IA aamma D).

Inassuteqaat ikinnerussuteqartuniit itigartitsissutigineqarpoq (S).

*Aningaasaqarnermut Inuussutissarsiornermullu Ataatsimiititaq, 21.03.23:*

Inassuteqaat amerlanerussuteqartuniit akuersissutigineqarpoq (IA, N aamma D). Inassuteqaat ikinnerussuteqartuniit itigartitsissutigineqarpoq (S).

### **Ilanngussat**

1. Nalunaarusiaq Arctic Park
2. Angalaneq pillugu nalunaarusiaq
3. Neqeroorut – Kuanninnguanut aqquserngup titartarneqarnera

## **Punkt 13: Kommunitum pilersaarummut tapiliusseq O10-1 Nunatarsuaq, Nuuk inaarutaasumik akuersissutigineqarnera**

### **Beslutning**

Inassuteqaat akuersissutigineqarpoq.

### **Bilag**

Tusarniaanermut akissutitik suliaqarneq

Tusarniaanermi akissutit tiguneqartut

Kommunitum pilersaarummut tapiliusseq O10-1 Nunatarsuaq, Nuuk

Pinngortitaleriffiup peqataatitsinermut nalunaarusiaa

## Kommunimut pilersaarummut tapiliusaaq O10-1 Nunatarsuaq, Nuuk inaarutaasumik akuersissutigineqarnera

Aalajangiiffigisassaaq

SagsID: EMN-2022-01344

Sanarfinermut Avatangiisinullu Ingerlatsivik - pisortaq Hans Ulrik Skifte / HUTS

### Inassuteqaat

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigaa:

- Kommunimut pilersaarummut tapiliusaaq O10-1 Nunatarsuaq, Nuuk itigartinneqassasoq

### Suliassamik saqqummiussineq

Inassuteqaatigineqartoq una politikikkut akuersissutigineqassappat, Nunatarsuarmi Nuup Kangerluani tammajuitsussarsiorluni piniarnermut akuersissuteqartoqassaaq, Nuummi aatsaat taamatut pisoqassalluni, Nunattali sinnerani ukiorpaalunni ilaatigut Kangerlussuarmi taamatut ingerlatsisoqarnikuuvoq. Piniarnermut akuersissutit pingaarutaat ingerlatsivimmiit imatut erseqqissaatigineqassaaq:

Nunatami piniarnermut akuersissuteqarfiunngitsumi, sumiluunniit piniarfigineqarsinnaasumi, pissutsit tulluuttut atuupput:

- Inuussutissarsiuutigalugu piniartut tamarmik akuerisamik piniarnermut allagartallit piniarsinnaatitaapput
- Saniatigooralugu piniartut tamarmik akuerisamik piniarnermut allagartallit piniarsinnaatitaapput
- Inuussutissarsiuutigalugu tammajuitsussarsiorluni piniarnerit tamarmik atuuttumik akuersissutitallit pisinnaapput

Nunatami piniarnermut akuersissuteqarfiusumi pissutsit tulluttut uku atuupput:

- Inuussutissarsiuutigalugu piniartut tamarmik akuerisamik piniarnermut allagartallit piniarsinnaatitaapput
- Saniatigooralugu piniartut tamarmik akuerisamik piniarnermut allagartallit piniarsinnaatitaappu
- Inuussutissarsiuutigalugu akuerisamik tammajuitsussanik piniartitsineq taamaallaat akuersissummik pigisalinnit ingerlanneqarsinnaavoq

Tamakkiisumik isigissagaanni assigiinngissutaa tassaassaaq, takornariat tammajuitsussarsiorlutik angallassisutik peqatigalugit nunatami piniarnermut akuersissuteqarfiusumi tammajuitsussarsiorlunit allanit avissaaqqatinneqarnissaat, nunatami najukkami inuussutissarsiuutigalugu saniatigooralugulu piniartunik avitseqatigiiffiusumi. Najukkami inuussutissarsiuutigalugu saniatigooralugulu piniartut aamma piniarnermut akuersissutitaqarfiunngitsup sinnerani piniarfiunnginnerunera misigissavaat.

Sanarfinermut Avatangiisinullu Ingerlatsivimmit kommunimut pilersaarummut tapiliusaaq O10-1 Nunatarsuaq matumuuna saqqummiunneqarpoq. Kommunimut pilersaarummut tapiliusaaq O10-1 Nunatarsuaq siunnersuut sapaatip-akunnerini 8-ni, piffissami 31. august – 26. oktobari tamanut tusarniaassutigineqarpoq. Piffissaliussap iluani tusarniaanermut akissutit qulit tiguneqarput, taakkunani ataaseq aternik 62-inik atsiornertaqarluni. Tusarniaanermut akissutit pilersaarutitut ilassummi allannguutissamik pissutissaqartitsinngillat, immikkoortulli arlaqartut akuersissummik neqerooruteqartitsinissami ilanngutitinnissaannut ingerlateqqinneqassapput.

Tusarniaanermut akissuteqaatini takuneqarsinnaavoq nalinginnaasumik tammajuitsussarsiniarluni tuttunniarneq aamma akuersissummik pigisaqartunut tuttunniarneq. Ingerlatsivimmit erseqqissarneqarpoq piffissami matumani piniariarfinni tamani, Nunatarsuaq ilanngullugu, tammajuitsussarsiniartitsilluni piniartoqarsinnaasoq, akuersissummik pigisaqaraanni. Kisermaassilluni akuersissut taamaallaat akuersissummik pigisaqarnissamik angusaqarsimasunut atuuppoq. Tassa imaappoq kisermaassilluni tammajuitsussamik piniartitsinissamut akuersissut, soorlu takornarianut nioqqutitut ittoq.

Taakku saniatigut tusarniaanermi akissutini takuneqarsinnaavoq tuttunniartarfiit sunngiffimmi piniartartunit aamma inuussutissarsiutigalugu piniartunit ernumassutigineqartoq. Ingerlatsiviup soqutigisaqatigiit kattuffii, inuussutissarsiutigalugu piniartut aamma sunngiffimmi piniartartut tusarniaassummik nassinneqarsimannginnerat ataasiakkaanit uparuarneqarpoq. Ingerlatsiviulli erseqqissaatigaa, taamaattoqarpat ingerlatsineq soqutigisat apeqqutaatillugit assigiinngitsunik piniartarfiillu sumiinneri apeqqutaatillugit immikkoortiterisoqarnissaa. Kommunimi sunngiffimmi suliassaqarfimmi soqutigisaqatigiinnut tunngatillugu ingerlatsivik sullissinissanik taama ittunik sullissinissaminut periarfissaqanngilaq. Ingerlatsinikkut naligiissitsineq eqqarsaatigalugu tamanna pitsaasuunngilaq.

Ingerlatsiviup tusarniaassutai tamatigut tamanut allagarsiissutigineqartarput, ingerlatsivimmillu nalilerneqarpoq, ataasiakkaani siulersuisut soqutigisaqarfimmik iluani attuumassutillit pillugit ilisimatitsisarnissartik akisussaaffigaa.

Kommunimut pilersaarummut tapiliussamut nunaannarmi immikkoortup ilaanik nutaamik, tammajuitsussarsiorluni tuttunniartitsinissamut akuersissutigineqartussatut atorneqarsinnaasumik pilersitsisoqarnissaa imaraa. Sumiiffik katillugu 815 km<sup>2</sup>-it missaanni annertussuseqarpoq, tassa Nuup Kangerluani avannarpasissumi Immikkoortup ilaa O2 Inuilaarsuaq – Nerutusooq Avannarliup sanaartorfioqqusaanngitsup iluani.

Immikkoortup ilaata siunnersuutigineqartup O10-p iluani sumiiffiit pingasut akuersissuteqarfissatut atugassanngortinneqassapput. Taakku Inuussutissarsiornermut aamma Nukissiutinullu Naalackersuisoqarfimmiit ataatsimut ataasiartumik akuersissutissatut imaluunniit akuersissutinik pigisaqartunut assigiinngitsunut arlalinngorlugit neqeroortitsissutigineqarsinnaapput.

Kommunimut pilersaarummut tapiliussami tunngaviit tassaapput:

- Immikkoortup ilaa O10-mik nutaamik immikkoortuliornissaq
- O10-p sumiiffittut tammajuitsussarsiorluni tuttunniartitsinissamut uumasunillu allanik piniarnissamut akuersissutigineqartussatut atugassianngorlugi aalajangersarneqarnissaa.
- Nunaannaap naleqquttumik atorneqarnissaanik qulakkeerinninnissaq, aamma takornarianut sukisaarsaatigalugu piniartartunut pitsaasunik atugassaqartitsinissaq.
- Sumiiffimmi pineqartumi akuersissummumut attuumassuteqartumik tammaarsimaarfiliornissamik, tuperfiliornissamik assigisaanilluunniit periarfissaqartitsinissamik qulakkeerinninnissaq

Akuersissut ima isumaqarpoq, suliffeqarfiup kisimiilluni nunami sumiiffiup aalajangersimasup iluani takornariaqarnermut atatillugu qinnuteqaatigineqartoq nioqqutigisinnaagaa. Akuersissut assersuutigalugu tammajuitsussarsiniarluni piniarnermut piginnaatitaasumut ataatsimut tunniunneqassaaq, taamaalillunilu taanna kisimi immikkoortumi tammajuitsussarsiniarluni piniarnissamik niueruteqarsinnaalissaaq. Taamaakkaluartoq allanik, soorlu inuussutissarsiutigalugu aamma sunngiffimmi piniarnermik, sammisaqartoqarsinnaavoq.

### Peqataatitsineq

Peqataatitsinissamut saniatigut iliuuserineqarpoq Hotel Hans Egede-mi siunnersuut pillugu paasisitsiniaalluni ataatsimiisitsineq, Inuussutissarsiornermut Nukissiuuteqarnermullu Naalakkersuisoqarfik suleqatigalugu ulloq 12. oktobari 2022 ingerlanneqartoq. Innuttaasut 25-t missaat takkuppet. Amerlasuut sunngiffimmi piniartarlutik, ataasiakkaallu inuussutissarsiuutigalugu piniartuullutik oqaatigaat. Ataatsimiinnermi saqqummiunneqarpoq ataasiakkaat akuersissummik qinnuteqarnissamut soqutiginnittut, tassungalu atatillugu piumasaaqatit suunerat paaserusullugu. Tamatuma kingorna ingerlatsiviup Inuussutissarsiornermut immikkoortortaq oqaloqatigivaa, taanna kommunimut pilersaarummut pituttugaanngilaq.

Kalaallit Nunaanni Pinngortitaleriffiup decembarimi 2022 peqataatitsinerup qanoq ingerlanissaa immikkut suliarivaa, ingerlatsivillu tassunga atasuni aaqqissuussani arlalinni peqataavoq. Tamanna aqutigalugu inuussutissarsiuutigalugu aamma sunngiffimmi piniartut sinniisaannik oqaloqatigiissutigineqarpoq akuersissummik pigisaqarneq qanoq isumaqartoq, aammalu ullumikkut tammajuitsussarsiniarluni piniarnermik ingerlatsisoqartoq, piniarnermut allagartaqaraanni inerteqqutaanngitsoq. Ajoraluartumik apersuilluni misissuinnermi takornariaqarnermik inuussutissarsiornermut peqataasoqanngilaq, taamaattumik neriuutigineqartutulli siamasitsiginngilaq. Peqataatitsinermi akissutit inernerini ersarissivoq akulerussuineq annertusoq taamaasilluni taaguutit akuersissuteqarnerit aamma tammajuitsussarsiniarluni piniarneq paatsoorneqarsimallutik.

Peqataatitsinermi akissutit inernerini ingerlatsivimmit tiguneqarput, tassanilu allassimavoq 44-t akissuteqartut, taakkunanilu amerlanerpaat ilisimatitsisimasut sunngiffimmi piniartarlutik. Amerlanerit akuersissuteqarnerit tammajuitsussarsiniarluni piniarnerit nangaassuteqarfigaataa erserpoq, najukkami inuiaqatigiinnut sunniuteqarnissaa annilaangaginerullugu. Allanguutissatut kissaatigineqartut amerlanersai inatsisunik tunngaveqarput taamaattumik kommunip suliaaqqarfiginngilai - taakkunani ilaapput piniarnissamut piffissaq, angallaneq il. il.

### Sulinerup ingerlariaqqinnera

Kommunimut pilersaarummut tapiliussaq inaarutaasumik akuersissutigineqarpat, ingerlatsiviup naalakkersuisoqarfimmik suleqateqarluni akuersissummik piginnittussarsiorneq tamatumaniulu piumasarineqartut aamma suliarissavaat, taama ilionnikkut imminut attanneqarsinnaasumik ineriartortitsineq qulakkeerneqassaaq - nunami avatangiisit najukkamilu suliffissat ilanngullugit.

Ingerlatsivimmit siunnersuutigineqarpoq Paamiut Qeqertarsuatsiaallu eqqaaniittut misissuiffigineqarmata peqataatitsineq aallartinneqassasoq, tassani tammajuitsussarsiniarluni piniarnermut pilersaarusiortoqarsinnaavoq. Sumiiffinnili taakkunani marlunni innuttaasut tamanna siunnersuutigisimagaat takussutissaqanngilaq.

Kommunimut pilersaarummut tapiliussassatut siunnersuummik matuminnga 010-1, Nunatarsuaq, akuersinikkut sumiiffimmut Nunaannarmut pilersaarummi 2-2-mi aalajangersakkat kommunimut pilersaarummi allaaserineqartut atorunnaassapput.

### **Ingerlatsivimmit aningaasatigut sulisoqarnikkullu naliliinerit**

Ingerlatsivimmi Kommunimut pilersaarummut tapiliussamik suliaqarnissami ukioq naallugu suliffiit 1/3 pisariaqartinneqassasut nalilerneqarpoq.

### **Suliffeqarfimmut Kiffartuussivimmit aningaasatigut naliliineq**

Attuumassuteqanngilaq.

### **Inatsisitigut tunngavissaq allakkallu tunngaviusumik uppernarsaatillit**

- Pilersaarusioneq aamma nunaminertat atorpeqartarnerat pillugit Inatsisartut inatsisissaat nr. 17, 17. november 2010-meersoq
- Kommunitum pilersaarut digitaliusoq [www.kp.sermersooq.gl](http://www.kp.sermersooq.gl)
- Sumiiffinni nunami aalajangersimasuni takornariartitsinermit akuersissuteqartarnissaq pillugu Inatsisartut inatsisaaat nr. 19, 3. december 2012-imeersoq

### **Siusinnerusukkat aalajangiinerit**

*Sanarfinermut Avatangiisinullu Ataatsimiititaq, 23.02.23:*

Sanarfinermut Avatangiisinullu Ingerlatsivimmit Sanarfinermut Avatangiisinullu Ataatsimiititamut inassuteqaatigineqarpoq:

- kommunimut pilersaarummut tapiliussaa O10-1 Nunatarsuaq, Nuuk akuersissutigineqassasoq
- suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut akuersissassanngorlugu ingerlateqqinneqassasoq

Inassuteqaat imatut oqaaseqaatilerlugu itigartitsissutigineqarpoq: Siunissami akuersissutitalinnik qinnuteqaatit eqqarsaatigalugit, ataatsimiititap kissaatigaa susassaartut ammasumik peqataatitsinerusumillu akuutinneqassasut.

### **Siusinnerusukkat aalajangiinerit**

*Aningaasaqarnermut Inuussutissarsiornermullu Ataatsimiititaq, 21.03.23:*

Inassuteqaat akuersissutigineqarpoq.

### **Ilanngussat**

1. Tusarniaanermut akissutinik suliaqarneq
2. Tusarniaanermi akissutit tiguneqartut
3. Kommunitum pilersaarummut tapiliussaaq O10-1 Nunatarsuaq, Nuuk
4. Pinngortitaleriffiup peqataatitsinermit nalunaarusiaa
5. <https://kp.sermersooq.gl/aalajangersaanermut-tunngassuteqartoq/nunaannaq/nunaannaq/o2-gl/>

## **Punkt 14: Kommunitut pilersaarummut tapiliusseq 1A13-2 Qimerlua inaarutaasumik akuersissutigineqarnera**

### **Beslutning**

Inassuteqaat akuersissutigineqarpoq.

### **Bilag**

Tusarniaanermut akissutinik suliaqarneq

Tusarniaanermi akissutit tiguneqartut

Kommunitut pilersaarummut tapiliusseq 1A13-2 Qimerlua

## **Kommunimut pilersaarummut tapiliusseq 1A13-2 Qimerlua inaarutaasumik akuersissutigineqarnera**

Aalajangiiffigisassaq

SagsID: EMN-2022-02396

Sanarfinermut Avatangiisinullu Ingerlatsivik - pisortaq Hans Ulrik Skifte / HUTS

### **Inassuteqaat**

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigaa:

- kommunimut pilersaarummut tapiliussatut siunnersuut 1A13-2 Qimerlua akuersissutigineqassasoq

### **Suliassamik saqqummiussineq**

Sanarfinermut Avatangiisinullu Ingerlatsiviup matumuuna 1A13-2 Qimerlua saqqummiuppa.

Kommunimut pilersaarummut tapiliusseq siunnersuutitut sapaatip-akunnerini arfinilinni tamanut tusarniaassutigineqarpoq, piffissami novembarip ulluisa 24-anit januaarip ulluisa 29-iata 2022-p tungaanut. Tusarniaanermut killiliussap iluani akissutit marluk tiguneqarput. Taakku annikitsunik oqaasertaatigut aaqiissuteqartitsissapput.

Pilersaaruserfigineqartoq 1A13 5,2 ha-it missaannik isorartussuseqartoq Nuup qeqqaniippoq.

Kommunimut pilersaarummut tapiliussami 1A13-2 immikkoortup nunataa kiisalu pingaarnertut atuuffia inissianut siunertanut attatiinnarneqarpoq, taamaattorli immikkuualuttut marluk atugassiissutigineqarput. Immikkuualuttoq A, kitaatungaaniittoq, inissianut siunertanut, tassunga ilanngullugu kollegianik ilinniartunullu inissianik, sanaartornissamut aalajangersimasumik periarfissiisoqarpoq. Immikkuualuttoq B, kangimut sammisumik, Qimerluata eqqaani inissianut pioreersunut.

Matumani Kommunimut pilersaarummut tapiliussassatut siunnersuutip 1A13-2-p akuersissutigineqarneratigut 1A13-1 atorunnaarsinneqassaaq.

### **Ingerlatsivimmit aningaasatigut sulisoqarnikkullu naliliinerit**

Ingerlatsivimmi Kommunimut pilersaarummut tapiliussamik suliaqarnissami ukioq naallugu suliffiit 1/3 pisariaqartinneqassasut nalilerneqarpoq.

### **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviumik uppernarsaatillit**

- o Pilersaaruserneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-meersoq
- o Inatsisartut inatsisissaat nr. 34, 9. december 2015-imeersoq
- o Kommunimut pilersaarut digitaliusoq [www.kp.sermersooq.gl](http://www.kp.sermersooq.gl)

### **Siusinnerusukkat aalajangiinerit**

*Sanarfinermut Avatangiisinullu Ataatsimiititaq, 23.02.23:*

Inassuteqaat akuersissutigineqarpoq.



*Aningaasaqarnermut Inuussutissarsiornermullu Ataatsimiititaq, 21.03.23:*  
Inassuteqaat akuersissutigineqarpoq.

**Ilanngussat**

1. Tusarniaanermut akissutinik suliaqarneq
2. Tusarniaanermi akissutit tiguneqartut
3. Kommunitum pilersaarummut tapiliussaq 1A13-2 Qimerlua

## **Punkt 15: Paamiuni Fritidsklubben Kalaalleq nutaamik imiisivittaartinnissaanik siunnersuut**

### **Beslutning**

Siunnersuuteqartut siunnersuutertik oqaluuserisassanit tunuartippaat.

## Paamiuni Fritidsklubben Kalaalleq nutaamik imiisivittaartinnissaanik siunnersuut

Kommunalbestyrelsimi ilaasortap Juaaka Lyberthip (IA) aamma Mia Skifte Lyngep (IA)  
Kommunalbestyrelsimut siunnersuutaat

Aalajangiiffigisassaq  
SagsID.: EMN-2023-01070

### Inassuteqaat

Kommunalbestyrelsimi ilaasortat Juaaka Lyberthip (IA) aamma Mia Skifte Lyngep (IA)  
Kommunalbestyrelsimut inassuteqaatigaat:

- siunnersuut Kommunalbestyrelsimi oqaluuserineqassasoq taamatullu suliap ingerlateqqinneqarnissaa aalajangiiffigineqassasoq

### Suliassamik saqqummiussineq

Kommunalbestyrelsimut ilaasortat Juaaka Lyberth (IA) aamma Mia Skifte Lyngep (IA) februaarip 27-anni 2023 Kommunalbestyrelsip aalajangiiffigisassaattut siunnersuummik nassiussipput.

Kommunalbestyrelsimut ilaasortat Juaaka Lyberthip (IA) aamma Mia Skifte Lyngep (IA) kissaatigaat Paamiuni Fritidsklubben Kalaaneq nutaamik imiisivittaarnissaa kommunalbestyrelsip eqqartussaagaa siunnersuutigaat.

Tunngavilersuut:

*"Meeqqanut Atuarfeqarnermullu Ataatsimiititaq Paamiunut angalanikuuvoq, pulaarnartut ilagaat fritidsklubben Kalaaleq. Fritidsklubbi aqutsisumit aqunneqarpoq, ullut tamaasa inuusuttorpasuarmit orninneqartarpoq.*

*Takuniaanermi ataatsimiititap fritidsklubbip kissartumik imiisivia takuaat, ukiorpassuarunik pisoqaassuseqartoq. Kissartumik imiisivik ima aserfallassimatigaaq, allaat qaqugukkulluunniit unittooriaannaasoq nalilerneqasluni."*

### Siunnersuut qanoq aningaasaliiffigineqassava?

*"Maannakkut missingsuutinit aserfallatsaaliinermut tunngasunit aningaasalersorneqassaaq."*

### Inatsisitigut tunngavissaq allakkallu tunngaviusumik uppersaattillit

- Kommunit aqunneqarnerat pillugu Inatsisartut inatsisaat nr, 29, 17, november 2017-imeersoq:  
§ 13. Kommunalbestyrelsimi ilaasortap kialuunniit kommunip susassaarfii pillugit apeqqutit suulluunniit kommunalbestyrelsimut saqqummiussinnaavai aammalu tamakku pillugit aalajangiinissanut siunnersuutinik saqqummiussinnaalluni. Ataatsimiititaliat borgmesterilu paasissutissanik taassuma piumasaanik, kommunalbestyrelsillu aalajangernissaanut inatsisitigut aalajangersakkat qaqugukkulluunniit malinneqartussaattitaasut pillugit kommunalbestyrelsimut nalunaaruteqassapput.
- Kommunalbestyrelsip suleriaasissaattut aalajangersagaq §3:  
Kommunalbestyrelsimut ilaasortaq kinaluunniit kommunip susassaarfii pillugit kommunalbestyrelsimut suliassanngortitsinnaavoq (aqutsineq pillugu inatsimmi § 13 naapertorlugu). Oqaluuserisassanngortitsineq § 4 naapertorlugu pisassaaq. Suliaq oqaluuserisassanngortinneqarpat, § 8 naapertorlugu suliap suliareqqinnissaa pillugu Kommunalbestyrelse ataatsimiinnermi aalajangiissaaq. Tamanna aamma suliaq aalajangiiffigisassatut siunnersuutaagaangat atuutissaaq.

**Ilanngussat**  
Soqanngilaq.

**Punkt 16: Nuup Illoqarfiata qanittuani sunngiffimmi sukisaarsaatigalugu unammissutigalugulu pinngortitami timersornertarnernut allanullu atuisarnernut ataatsimoortumik pilersaarusiornissamik, kommunimut pilersaarummut 2032-imut ilanngunneqarsinnaasumik, misissuisitsilernissamik siunnersuut**

**Beslutning**

Siunnersuut akuersissutigineqarpoq.

**Bilag**

Tamakkiisumik pilersaarut NSP-NUP-Qamutit-sisorarfiit

Illerngit Nuuk 1970 - 1990

# Nuup Illoqarfiata qanittuani sunngiffimmi sukisaarsaatigalugu unammissutigalugulu pinngortitami timersornertarnernut allanullu atuisarnernut ataatsimoortumik pilersaarusiornissamik, kommunimut pilersaarummut 2032-imut ilanngunneqarsinnaasumik, misissuisitsilernissamik siunnersuut

Kommunalbestyrelsimut ilaasortap Juaaka Lyberth-ip (IA) Kommunalbestyrelsimut siunnersuutaa

Aalajangiiffigisassaq

SagsID.: EMN-2023-00698

## Inassuteqaat

Kommunalbestyrelsimut ilaasortap Juaaka Lyberth-ip (IA) Kommunalbestyrelsimut inassuteqaatigaa:

- siunnersuut Kommunalbestyrelsimi oqaluuserineqassasoq taamatullu suliap ingerlateqqinneqarnissaa aalajangiiffigineqassasoq

## Suliassamik saqqummiussineq

Kommunalbestyrelsimut ilaasortap Juaaka Lyberth (IA) marsip ulluisa 3-anni 2023

Kommunalbestyrelsip aalajangiiffigisassaataut siunnersuummik nassiussivoq.

Kommunalbestyrelsimi ilaasortap Juaaka Lyberth-ip (IA) Nuup Illoqarfiata qanittuani sunngiffimmi sukisaarsaatigalugu unammissutigalugulu pinngortitami timersornertarnernut allanullu atuisarnernut ataatsimoortumik pilersaarusiornissamik, kommunimut pilersaarummut 2032-imut ilanngunneqarsinnaasumik, misissuisitsilernissamik Kommunalbestyrelsimi eqqartorneqassasoq kissaatigivaa.

Tunngavilersuut:

*"Nuummi Kommuneqarfik Sermersuumilu siunissaq eqqarsaatigalugu qulakkeerneqartariaqarpoq, illoqarfiup qanittuani pinngortitami, aasakkut ukiukkullu, timersornikkut sukisaarsaatigalugulu atuisarnerup ataatsimoortumik pilersaarusiornissaa. Taamaattumik siunnersuutigivara kommunitta aallartissagaa pilersaarusiornissaaq misissueqqaarfiginerarnissaata 2023-imi aallartinneqarnissaa, soqutigisaqartut Aningaasaateqarfik Sisorarfii, NSP, NUP aamma Qamutit suleqatigalugit. Misissorneqassaaq Nuup illoqarfiata qanittua pinngortitap sukisaarsarfiusartup unammiffiusartullu atorpeqartarnerata ataatsimoortumik pilersaarusiornissaa, siunissamut isigaluni kommuniplan tillæg-imut ilanngunneqarnissaa, uanittaaq ilanngullugit suliassap piffissalersorneqarnissaa aamma aqqusineeqqat, illerngit, sulluliat il.il. pitsanngorsarneqarneqarnissaasa, "helhedplan for Nuuks rekreative områder"-imi taaneqarsimasut sularinissaasa qanoq akeqarnissaat. Pilersaarusiaq, peqatigiiffinnit taaneqartunit sularineqartoq, ilanngutatut kakkiunneqarpoq. Ataatsimoortumik pilersaarusiornissaa Kommuneplan 2032-imut ilanngunneqarnissaa kissaatiginarpoq aamma nutaamik kommuneplantillæggiortoqarnissaa, pisariaqarpallu nunaminertanik tunniussisoqarnissaa, sukisaarsaatigalugu aamma timersortartut 'aqquserngi' illerngili, aqqusineeqqat aasami pisuttuarterfii, sisorartartut illerngi, snescoterertartut tracé atorussaasiveqarfiilu eqqarsaatigalugit. Nunaminertat tunniunneqarumaartut, ullumikkut pineqartunik, aasami ukiullu, ingerlatsisumut, Aningaasaateqarfik Sisorarfinnut, tunniunneqarsinnaapput, Mississueqqaarneq naammasseriarpap, siunnersuutigissavara ataatsimiitsitalianut susassaqartunut saqqummiunneqassasoq, kommunalbestyrelsimullu saqqummiunneqartussanngorlugu oqallisigineqarluni."*

**Siunnersuut qanoq aningaasaliiffigineqassava?**

*"2023 misissuisitseqqaarnissanut aningaasanik pissarsisoqarsinnaanngippat, 2024-imut missingersuusiornissamut ilanngullugu isumaqatigiissutiginiarneqassaaq."*

### **Inatsisitigut tunngavissaq allakkallu tunngaviumik uppernarsaatillit**

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq  
§ 13. Kommunalbestyrelsimi ilaasortap kialuunniit kommunip susassaarfii pillugit apeqqutit suulluunniit kommunalbestyrelsimut saqqummiussinnaavai aammalu tamakku pillugit aalajangiinissanut siunnersuutinik saqqummiussisinnaalluni. Ataatsimiititaliat borgmesterilu paasissutissanik taassuma piumasaanik, kommunalbestyrelsillu aalajangernissaanut inatsisitigut aalajangersakkat qaqugukkulluunniit malinneqartussaataasut pillugit kommunalbestyrelsimut nalunaaruteqassapput.
- Kommunalbestyrelsip suleriaasissaatut aalajangersagaq §3:  
Kommunalbestyrelsimut ilaasortaq kinaluunniit kommunip susassaarfii pillugit kommunalbestyrelsimut suliaassanngortitsisinnaavoq (aqutsineq pillugu inatsimmi § 13 naapertorlugu). Oqaluuserisassanngortitsineq § 4 naapertorlugu pisassaaq. Suliaq oqaluuserisassanngortinneqarpat, § 8 naapertorlugu suliap suliareqqinnissaa pillugu Kommunalbestyrelse ataatsimiinnermi aalajangiissaaq. Tamanna aamma suliaq aalajangiiffigisassatut siunnersuutaagaangat atuutissaaq.

### **Ilanngussat**

1. Tamakkiisumik pilersaarut NSP-NUP-Qamutit-sisorarfiit
2. Illerngit Nuuk 1970 - 1990

## **Punkt 17: Nuummi sukuutsertarfimmik "katitertakkamik siaartakkamillu" pilersitsinissamut misissueqqaarnissaq pillugu siunnersuut**

### **Beslutning**

Siunnersuut akuersissutigineqarpoq.

### **Bilag**

Nuummi sikukkut sukuutsertarnermut pilersitseqqinnissaq pillugu saqqummiussineq

## **Nuummi sukuutsertarfimmik "katitertakkamik siaartakkamillu" pilersitsinissamut misissueqqaarnissaq pillugu siunnersuut**

Kommunalbestyrelsimut ilaasortap Juaaka Lyberthip (IA) Kommunalbestyrelsimut siunnersuutaa

Aalajangiiffigisassaq

SagsID.: EMN-2023-01368

### **Inassuteqaat**

Kommunalbestyrelsimut ilaasortap Juaaka Lyberthip (IA) Kommunalbestyrelsimut inassuteqaatigaa:

- siunnersuut Kommunalbestyrelsimi oqaluuserineqassasoq taamatullu suliap ingerlateqqinnissaa aalajangiiffigineqassasoq

### **Suliassamik saqqummiussineq**

Kommunalbestyrelsimut ilaasortap Juaaka Lyberth (IA) ulloq 2. februaarip 2023

Kommunalbestyrelsip aalajangiiffigisassaatur siunnersuummik nassiussivoq.

Kommunalbestyrelsimut ilaasortap Juaaka Lyberthip (IA) kissaatigaa Nuummi sukuutsertarfimmik "Katitertakkamik siaartakkamillu" pilersitsinissamut misissueqqaarnissap aallartisarnissaanut periarfissaq Kommunalbestyrelsip oqaluuserissagaa.

Tunngavilersuut:

*"Nuuk issittumi illoqarfiit pingaarnersaattut sukuutsertarfeqartariaqaraluarpoq, meeqqanut, inuusuttunut inersimasunullu sikumi aalanerisitsinnaasoq, ukiumi sisorarnissamut qamuterallannissamullu apilluarnissaanut utaqqinerup nalaani.*

*Misissuinerit takutippaa, sikumi-sammisaqartitsinerit meeqqanik, inuusuttunik inersimasunillu soqutigineqarluartartut, timersuutinik allanik timersoriartanngitsunut. Sukuutsertarfiit aamma*

- *Inuttut attaveqarfiupput*
- *Ishockeyip ilisarnaataa tassaavoq peqataasut assigiinngitsunik pikkorissuseqartut nuannersumik unammisinnaammata*
- *Illoqarfiup qeqqaniikkaluarluni pinngortitamiiffiuvoq/silamiiffiuvoq*
- *Illoqarfimmi timersortartuuneq, ungasianit isigalugu, toqqaannartumik nammineq peqataaffiginngikkaluarlugu, inuusuttuaqqanit nalituutut isigineqartarpoq (inuusuttuaqqanit)*
- *Sunneeqatigiissinnaaneq, ass. atuarfiit ilinniarfiillu sikumi assigiinngitsunik sammisaqartillugit.*
- *Sukuutsertarfimmi qitornarisaq sammisaqartillugu angajoqqaatut kilometerialuit sisoraatinik ujakkaarujootilluni.*
- *Sisorarnissamut/sisoraatinik ujakkaarnissamut sungiusarluni, apinissanut utaqqinermi.*

*Taamaattumik siunnersuutigaa, kommunip 2023-mi misissuinerimik aallartitsinissaa siunertaralugu Nuummi sukuutsertarfinnik katitertakkanik pilersitsinissamut pilersaarummik suliaqarnissaq. Jesper Labansenip Nuummi ukiuni kingullerni ingerlannikuusaanit "sukuutertamit misissueqqaarnermi misilittakkanik aallerfiusinnaavoq. Sukuutertamit saqqummiussa ilanngunneqarpoq."*

### **Siunnersuut qanoq aningaasaliiffigineqassava?**

*"Aningaasat ukiormanna misissueqqaarnissamut aningaasaliissutinit immikkoortinneqarsinnaanngippata, 2024-mut missingersuutinut ilanngunneqassapput."*

## Inatsisitigut tunngavissaq allakkallu tunngaviusumik uppernarsaatillit

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq:  
§ 13. Kommunalbestyrelsimi ilaasortap kialuunniit kommunip susassaarfii pillugit apeqqutit suulluunniit kommunalbestyrelsimut saqqummiussinnaavai aammalu tamakku pillugit aalajangiinissanut siunnersuutinik saqqummiussisinnaalluni. Ataatsimiititaliat borgmesterilu paasissutissanik taassuma piumasaanik, kommunalbestyrelsillu aalajangernissanut inatsisitigut aalajangersakkat qaqugukkulluunniit malinneqartussaataasut pillugit kommunalbestyrelsimut nalunaaruteqassapput.
- Kommunalbestyrelsip suleriaasissaatut aalajangersagaq §3:  
Kommunalbestyrelsimut ilaasortaq kinaluunniit kommunip susassaarfii pillugit kommunalbestyrelsimut suliaassanngortitsisinnaavoq (aqutsineq pillugu inatsimmi § 13 naapertorlugu). Oqaluuserisassanngortitsineq § 4 naapertorlugu pisassaaq. Suliaq oqaluuserisassanngortinneqarpat, § 8 naapertorlugu suliap suliareqqinnissaa pillugu Kommunalbestyrelse ataatsimiinnermi aalajangiissaaq. Tamanna aamma suliaq aalajangiiffigisassatut siunnersuutaagaangat atuutissaaq.

## Ilanngussat

1. Nuummi sikukkut sukuutsertarnermut pilersitseqqinnissaq pillugu saqqummiussineq

## **Punkt 18: Uumasoq katsorsaanermi atorneqartartoq pillugu siunnersuut**

### **Beslutning**

Siunnersuut akuersissutigineqarpoq.

## Uumasoq katsorsaanermi atorneqartartoq pillugu siunnersuut

Kommunalbestyrelsimut ilaasortap Lone Rosengreen Pedersenip (IA) Kommunalbestyrelsimut siunnersuutaa

Aalajangiiffigisassaq

SagsID.: EMN-2023-01369

### Inassuteqaat

Kommunalbestyrelsimut ilaasortap Lone Rosengreen Pedersenip (IA) Kommunalbestyrelsimut inassuteqaatigaa:

- siunnersuut Kommunalbestyrelsimi/Ataatsimiitami oqaluuserineqassasoq taamatullu suliap ingerlateqqinneqarnissaa aalajangiiffigineqassasoq

### Suliassamik saqqummiussineq

Kommunalbestyrelsimut ilaasortap Lone Rosengreen Pedersen (IA) 2023-mi marsip ulluisa arfernanni aalajangiussassatut siunnersuummik Kommunalbestyrelsimut nassiussaqrpoq. Lone Rosengreen Pedersenip kissaatigaa Kommunalbestyrelsip uumasoq katsorsaanermi atorneqartartoq pillugu periarfissaq oqaluuserissagaa.

Tunngavilersuut:

(Nutserneqarnera: Kommuneqarfik Sermersooq)

*"Uumasunik katsorsaanermi, tapersersuineri kiisalu sullissineri atorneqartartunik atuinissamut periarfissat Kommunalbestyrelsimi oqaluuserissagigut kissaatigaara. Isumaqarpunga, innuttaasunik aalajangersimasunik pitsaaliulluta katsorsaanitsinni uumasunit pitsaasumik iluaqutit atortanngikkigut. Aamma Kommunalbestyrelse qinnuigissavara kommunip inissiaatileqatigiiffiani uumasut taakkua allatut iliuuseqarfigineqarnissaannut periarfissaq oqaluuserineqassasoq. Nalunngilluinnarpara, Iserit A/S nammineq ingerlasuusooq, kisianni uagut piginnittutut inissiani uumasunut taakkununga allatut iliuuseqarnissamut aalajangiineri sunniuteqarsinnaassasugut.*

*Danmarkimi aamma nunani avannarlerni uumasut katsorsaanermi atortarnerinik misilittagaqartoqarpoq. Uumasut katsorsaanermi atorneqartartut inunnut tarnikkut timikkullu unammilligassalinnut pitsaasumik sunniuteqartarpasipput. Inunnut autismeqartunut, puigortunngortunut, uippakajaartunut allarpassuartigullu iluaqutaasarput. Kiserliornermut aamma iluaqutaasarpoq.*

*Uumasut atorlugit katsorsartinneq katsorsartinneruvoq uumasut ilaatillugit. Uumasut katsorsaanermi atorneqartartut kisimiitillugit atorneqarsinnaapput imaluunniit katsorsaasoq peqatigalugu. Inunnut assigiinngitsunik innarluutilinnuunniit atorneqarsinnaapput.*

*Uumasut katsorsaanermi atorneqartartut uumasunut sullissilluni tapersersuillunuunniit atorneqartartunut sanilliunneqassanngillat. Ataani atsiortumit katsorsaariaatsit pingasut tamarmik tikilluaqqusaapput.*

*Nalunngilara inissiaatileqatigiiffinni assigiinngitsuni uumasut pillugit malittarisassani unammilligassaqaarsinnaasoq. Unammilligassat Iserit A/S-p malittarisassai eqqarsaatigalugit sunniuteqarfigisinnaavagut.*

*Uumasut katsorsaanermi, tapersersuineri imaluunniit sullissineri atorneqartartut uumasuutitut allanut sanilliunneqassanngillat."*

### Siunnersuut qanoq aningaasaliiffigineqassava?

*"Misissuuitsineruvoq."*

### **Inatsisitigut tunngavissaq allakkallu tunngaviusumik uppersaatillit**

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq  
§ 13. Kommunalbestyrelsimi ilaasortap kialuunniit kommunip susassaarfii pillugit apeqqutit suulluunniit kommunalbestyrelsimut saqqummiussinnaavai aammalu tamakku pillugit aalajangiinissanut siunnersuutinik saqqummiussinnaalluni. Ataatsimiititaliat borgmesterilu paasissutissanik taassuma piumasaanik, kommunalbestyrelsillu aalajangernissaanut inatsisitigut aalajangersakkat qaqugukkulluunniit malinneqartussaataasut pillugit kommunalbestyrelsimut nalunaaruteqassapput.
- Kommunalbestyrelsip suleriaasissaatut aalajangersagaq §3:  
Kommunalbestyrelsimut ilaasortaq kinaluunniit kommunip susassaarfii pillugit kommunalbestyrelsimut suliassanngortitsinnaavoq (aqutsineq pillugu inatsimmi § 13 naapertorlugu). Oqaluuserisassanngortitsineq § 4 naapertorlugu pisassaaq. Suliaq oqaluuserisassanngortinneqarpat, § 8 naapertorlugu suliap suliareqqinnissaa pillugu Kommunalbestyrelse ataatsimiinnermi aalajangiissaaq. Tamanna aamma suliaq aalajangiiffigisassatut siunnersuutaagaangat atuutissaaq.

### **Ilanngussat**

Soqanngilaq.

## **Punkt 19: Angallanneq pillugu siunnersuisooqatigiinnik pilersitsinissamik siunnersuut**

### **Beslutning**

Siunnersuut akuersissutigineqarpoq, Sanarfinermut Avatangiisinullu Ingerlatsivimmut siunnersuutip misissuivigineqarnissaa siunertaralugu suliassanngortinneqarluni.

## Angallanneq pillugu siunnersuisooqatigiinnik pilersitsinissamik siunnersuut

Kommunalbestyrelsimut ilaasortap Lone Rosengreen Pedersenip (IA) Kommunalbestyrelsimut siunnersuut

Aalajangiiffigisassaq  
SagsID.: EMN-2023-01370

### Inassuteqaat

Kommunalbestyrelsimut ilaasortap Lone Rosengreen Pedersenip (IA) Kommunalbestyrelsimut inassuteqaatigaa:

- siunnersuut Kommunalbestyrelsimi oqaluuserineqassasoq taamatullu suliap ingerlateqqinneqarnissaa aalajangiiffigineqassasoq

### Suliassamik saqqummiussineq

Kommunalbestyrelsimut ilaasortaq Lone Rosengreen Pedersenip (IA) 2023-mi marsip ulluisa arfernanni aalajangiussassatut siunnersuummik Kommunalbestyrelsimut nassiusaqqarpoq.

Lone Rosengreen Pedersenip kissaatigaa Kommunalbestyrelsip angallanneq pillugu siunnersuisooqatigiinnik pilersitsinissamut periarfissaq oqaluuserissagaa.

Tunngavilersuut:

(Nutserneqarnera: Kommuneqarfik Sermersooq)

*"Soorlumi Kommuneqarfik Sermersooq Utoqqaat pillugit Siunnersuisooqatigeeqartoq, Inuit innarluutillit pillugit Siunnersuisooqatigeeqartoq maannalu Piniarnermut Aalisarnermullu Siunnersuisooqatigeeqalerluni, siunnersuutigissavara, kommunimi tamarmi atuuttussamik Angallanneq pillugu Siunnersuisooqatigeeqalernissamut periarfissaq misissussagipput.*

*Angallanneq pillugu Siunnersuisooqatigiinni ilaasortaasinnaapput tassunga tunngasunik suliallit suliffeqarfiillu ass. politiit, upalungaarsimasut, peqqinnissaqarfik, sisorartartut klubii assigisaallu.*

*Angallanneq pillugu Siunnersuisooqatigiit aalajangersimasumik ataatsimeeqatigiittassasut takorluunngilara, kisianni ukiumut marloriarlutik ataatsimiittarsinnaapput kiisalu isumartik tusarusunneqaraangat – periusissiatsinnut atatillugu imaluunniit assingusumik."*

### Siunnersuut qanoq aningaasaliiffigineqassava?

*"Misissuuitsineruvoq."*

### Inatsisitigut tunngavissaq allakkallu tunngaviusumik uppernarsaatillit

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq:  
§ 13. Kommunalbestyrelsimi ilaasortap kialuunniit kommunip susassaqqarfii pillugit apeqqutit suulluunniit kommunalbestyrelsimut saqqummiussinnaavai aammalu tamakku pillugit aalajangiinissanut siunnersuutinik saqqummiussisinnaalluni. Ataatsimiititaliat borgmesterilu paasissutissanik taassuma piimasaanik, kommunalbestyrelsillu aalajangernissanut inatsisitigut aalajangersakkat qaqugukkulluunniit malinneqartussaataitaasut pillugit kommunalbestyrelsimut nalunaaruteqassapput.
- Kommunalbestyrelsip suleriaasissaatut aalajangersagaq §3:  
Kommunalbestyrelsimut ilaasortaq kinaluunniit kommunip susassaqqarfii pillugit kommunalbestyrelsimut suliassanngortitsisinnaavoq (aqutsineq pillugu inatsimmi § 13 naapertorlugu). Oqaluuserisassanngortitsineq § 4 naapertorlugu pisassaaq. Suliaq oqaluuserisassanngortinneqarpat, § 8 naapertorlugu suliap suliareqqinnissaa pillugu

Kommunalbestyrelse ataatsimiinnermi aalajangiissaaq. Tamanna aamma suliaq aalajangiiffigisassatut siunnersuutaagaangat atuutissaaq.

**Ilanngussat**  
Soqanngilaq.

## **Punkt 20: Lukket**

## **Punkt 21: Lukket**

## **Punkt 22: Lukket**

## **Punkt 23: Lukket**

## **Punkt .: Imaqarniliap akuerineqarnera**

### **Beslutning**

Imaqarniliaq akuersissutigineqarpoq nal. 14.35.